

Nowodworski Adamus


Episc. Posnaniensis

Crasnkowski fram. Casim. Gloriam Nowodwor-
seianae fascina triplex.

PANEG. et VITAE

Polon. Pol.

Nº. 820.





GLORIA

VIRTUS

NOBILITAS

GLORIAE NOWODWORSIANA
FASCIA TRIPLEX

*Nobili, et studiosa Collegij, Posnaniensis Societatis
IESV Iuuentute, è NOBILITATE, VIRTUTE,
HONORE, liberali Minerva lanificio contexta,*
AC

ILLVSTRISSIMO et REVERENDISSIMO DOMINO,
D. ADAMO À NOWODWOR NOWODWORSKI EPISCO,
PATVM POSNANIENSEM auspiciò capeffenti
reuerenter oblata

PER
ILLUSTREM, et Magnificum Dominum, D. FRANCISCVM
CASIMIRVM Sanduogium À CZARNKOW
CZARNKOWSKI Capitaneum Medirecensem eiusdem
Collegij Studiosum

Anno ab orbe restituto M. DC. XXXI.

HONOR

Egregia & insignis est inter homines nota, bonâ
stirpe nasci, & subindè accrescit nobilitatis
nomē hominibus dignis Euripides in Hecuba.

Ex omnibus præmijs virtutis amplissimum præ-
mium gloria, quæ vitæ brevitatem posteri-
tatis memoriâ consolatur, quæ efficit, ut ab-
sentes adsimus, mortui vivamus, cujus gra-
dibus etiam homines in cœlum videntur as-
cendere Cicer. pro Milone.

Honorem & gloriam bona esse necesse est; ju-
cunda enim sunt, & effectiva multorum, ac
ut plurimum ea verè inesse ostendunt pro-
pter quæ fiunt. Aristot. l. 1. Rhetor. ad Theo-
dect. cap. 6.





AD ILLUSTRIS-
SIMUM AC REVEREN-
DISSIMUM D. ADAMVM A NOWO-
DWOR NOWODWORSKI EPISCOPUM
POSNANIENSEM.

Prophasis.



Emirère Antistes Ill^{me} Musas Posna-
nienses, quæ in auspiciatissimis hisce
honorum Tuorum incrementis pri-
mæ ad optatissimos T v o s comple-
xus evolare, primæ munificentissi-
mis manibus oscula reddere, primæ
deniquè & suam in T e pietatem, &
T v a in se merita, verbis voceque testari debuerant, po-
stremas propemodum paternum T u u m vultum subi-
re. Cum enim tam multos T i b i gratulatores virtus di-
gnitasque T v a undique cogeret, adeoque frequens sa-
lutantium corona T e ad sublime amplissimæ dignita-
tis tuæ solium deduceret, ut omnes ferè ad T e aditus
exiguitati nostræ intercludi viderentur: commodum
inprimis duximus tantisper reticere, dum ille gratula-
tionum æstus nonnihil consideret, liberiolemque &
nobis fruendi T e & T i b i respiciendi nos relinqueret fa-

cultatem. Nimirum ea musarum natura est, ut in tur-
ba loqui nequeant, & ubi plurimi loquuntur, ibi mi-
nimè vel audiant, vel audiantur: idcirco seriùs paullo
loqui maluerunt, quàm nunquam audiri. Ac nobis
quidem committendum nequaquam erat, quin T E, in
illo etiam ipso publici plausus fervore, tametsi forsi-
tan parvitate nostra ignoti, comitaremur, à quo cor-
poribus fortasse longiusculè aberamus, animis certè
non magis nobis præsentes, quàm T I B I. Atque in eà
quidem tam expetitâ, tam solenni, tam T E dignâ pom-
pâ multi utiquè mirabantur multa, laudabant multa.
Tenebat quosdam attonitos veneranda augusti vultus
T V I majestas, rapiebat alios in admirationem insignis
ille Pontificiæ amplitudinis splendor, laudabant pleriq;
instructissimi splendidissimique apparatus præstantiâ,
& ne multa, nemo erat, qui non pleraquè in T E vel su-
spiceret, vel prædicaret, nemo qui ad summam dignita-
tem desiderari quidpiam censeret. Nobis vero Antistes
Illustrissime cum jucundissimum, tum certè maximum
dedit spectaculum F A S C I A T V A, quam nec spectare
potuimus, quin laudaremus, nec laudare, quin vehe-
menter miraremur, ibi enim, quidquid homines vel op-
tare sibi, vel in aliis requirere, & possunt, & solent mirũ
quàm luculentè jucundeque perspeximus. Vidimus
inclyta amplissimæ antiquissimæq; nobilitatis decora,
vidimus præclara absolutissimarum virtutum lumina,
vidimus gloriosa justissimorum, maximorumq; hono-
rum ornamenta. Quæ quidem omnia æterna illa pro-
videntia sic diademate illo T V O devinxit, ut cum ma-
gnam ejus splendoris partem sibi egregia nobilissimo-
rum Majorum virtus, magnam itidem T V A merita ven-
dicarent, tum vero optimum illud maximumq; lumen,
cui primum ea debentur, omnia in Fasciam, & cum Fa-
scia

sciâ in T E liberalissimè contulisse videatur. Eamquē obrem dum in felici Antistitij T v i exordio debitum Honori T v o, dignum studio nostro munus quærimus; nihil oblatum oportunius est, quàm si sacram Diadematis T v i proferremus imaginem. Quia vero nec ea nobis copia suppetit, quæ operi tanto satis materiæ suggerere, nec ea splendoris T v i fortuna, cui quidquam aliena vel industria vel liberalitas adjicere possit; pace T v â de T v o sumimus triplicemquē aut potius trilicem Fasciam è vetustissimâ gentis tuæ gloriâ, è cœlesti Virtutum T u a r u m pulchritudine, deniquē ex amplissimâ Honorum T u o r u m dignitate, auspice pietate, magistrâ Pallade alacres conteximus. Pauca itaquē ad opus de nostro addidimus, non quod vereremur, ne risu critico araneæ audiremus, quæ viscera quidem in textum vertunt, at pretium operæ muscas referunt: quamvis enim, quicquid id ludi est, bombyce refelli liceret, qui non eo sanè vilis est, quod è se pensum ducat, at quia & Arachnæ Minervam, novimus inimicam, & T u o Diademati linum sacrum esse perspicimus, & nostrum deniquē munus gratius fore confidimus, si quàm minimum, quod à T E non sit, contineat. Ideoque visum fatius est de T u o T i b i gratulari, quàm gratificari de nostro. Quod quidem si T v non improbas, in minimis erit nobis cujusquam Apellis censura, qua Helenam cujusdam auro, quàm arte nobiliorem conspicatus notavit artificem, quod pulchram non posset divitem pinxisse.

Non laboramus equidem, nè quis eo nos divitem Fasciam texere voluisse suspicetur, quod non possemus elegantem. Si enim T i b i placeat, satis est dives, satis elegans. Futurum autem ut non displiceat

pliceat speramus quia ut diximus, Maiores Tuos
Virtutes Tuas, Honores Tuos complectitur, quan-
taquanta est, Tua est. Si quid tamen arti defuisse
videbitur, veniam dabis, quia etiam nos Tui
sumus, & Tui esse aeternum depo-
scimus.



[REDACTED]

FAS-
CIA NOVVO-
DVVORSCIA-
NÆ NOBILI-
TATIS.





[Faint, mirrored text visible through the paper, likely bleed-through from the reverse side. The text is mostly illegible due to fading and the redaction mark.]

FASCIAE NOBILITATIS IMAGO E VETERVM MONV- TIS ADUMBRATA.



Et temerè, illotisqué quod ajunt, manibus, ad opus aggre-
di videamur, morem sequimur hominum, qui magna-
rum artium pericula in obvia primùm, parabiliqué ma-
terià facere consueverunt. Sic picturæ deditam manum
carbo primùm cretaqué fatigat; sic aurei crateris effigiem,
sæpe plumbum, aut vilius plumbo lutum præcipit: & ut vicina
operi nostro spectemus, primam nobilissimæ texturæ formam vilissi-
mum quandoqué stamen occupat. Nobis itaque Antistes Illustriss.
è preciosissimâ Tvâ suppellectili Diadema TIBI facturis, non vili qui-
dem facili tamen materiæ artem experiri, clarissimumqué Tuum no-
men in extero quidem, Regio tamen Diademate vel inscribere libet,
vel jam suspicere inscriptum.

Ac primùm quidem FASCIÆ CANDIDÆ majestas antiquis-
simis prorsus seculis veneranda fuit, regia fuit, sacrosancta fuit, ut
nec regnare crederetur Princeps, qui Fasciâ careret, nec dubium
haberet dominatum, qui eam obtineret. OMNIBUS (ait Politico-
rum integerrimus Adamus Kontzen Politic. lib. 7. cap. 3. Sect. 4.)
Usitatum regibus diadema est adeò, ut nunc quoque
regna & imperia Coronæ vocentur. Variæ quidem
coronæ fuere, vetustissimæ autem Tæniæ seu Fasciæ
candidæ. Nec abest à sententiâ vir doctissimus Lælius Bisciola
altero Horarum subsecivarum tomo lib. 17. c. 18. num. 4. ubi disertè.
Fascia inquit candida regum erat diadema. Nec testes o-
pus ubi nemo aliud censet. Plutar: certè Fasciam ΔΙΑΔΗΜΑ ΒΑΣΙΛΕ-
ΥΚΟΝ, lib. de Fort. Alex: nominat, & si nominis habenda sit ratio, nihil
est ferè, quod potiori jure appellationem diadematis mereatur, quàm
Fascia. Ælianus enim Græcus auctor libri 15. de animal. c. 1. Dia-
dema, inquit, quid aliud indicat, quàm Fasciam seu vin-
culum? Vinculum autem id Regij capitis fuisse prolixè admodum
probat Carolus Paschatius, ijs quos de diademate conscripsit libris.
Quin universus populus Romanus, cum à M. Antonio, C. Julio Cæsari
Fasciam Lupercalibus offerri videret, in regnum libertatem suam
verti publico gemitu, teste 2. Philipp: Tullio, interpretatus est. Ipsa
deniqué divinarum literarum oracula, dum Alexandri Macedonis
B comites

comites regnum inter se partitos, regiam dominationem usurpasse canunt, illud argumenti adijciunt, quod sibi diademata imposuerint. Ita primus Machab: liber primo capite. Adeò sanè cognata regno Fascia fuit, ut ubi ubi spectaretur regni ostentaret dignitatem. Puer erat Joas, at posteaquam cum Fasciâ (nam alia regis majestatis ornamenta penes Athaliam erant) à Pontifice productus comparuit, Rex est ab Hebræis salutatus. Imò ne pedibus quidem illigata Fascia regni significationem amittere potuit, cum Pompejo Magno regni affectati nota fuerit aspersa, quod saucium crus candida Fascia obligasset, cavillante Favonio, nihil referre quâ parte quis Diadema gestaret. Produnt rem Val. Max. lib: 6. c. 2. Ammian. Marcel. Cælius. Rhodig. lib. 24. lect. Antiq. c. 6. Alexander ab Alex. cap. 28. lib. primi. Neque hominibus tantum, sed statuis quoque ingesta Fascia regnum sapiebat. Nempe plebis Romanæ Tribuni, hominem, qui lauream Fasciâ præligatam statuas Cæsaris iniecerat, in vincula abripi, tanquam regis fauorem dominatus jusserunt: liquido id Tranquillus in Julio narrat. Ita ubique Fascia regina fuit, etiam in ære.

Nec degener sanè ab hac vel indole vel fortuna **NOVODORS-
CIANVM** **DIADEMA**, quod in Poloniâ, Sarmatiæ videlicet capite, sic effulget, ut vel unum hoc Poloniam totius septentrionis Reginam non ostendere solum, sed etiam facere posse videatur.

Non desunt quidem huic imperio illustrium hominum familiarumque præclara insignia, quæ vel egregia bellicæ virtutis instrumenta, vel publicæ pacis libertatisque illustramenta jure queant appellari: at quod vel capiti conjunctius, vel regno convenientius Fasciâ videri possit, nequaquam reperias. Cum enim cætera Polonæ Nobilitatis arma solis ferè apta patriæ manibus videantur, tum verò **FASCIA** summam gloriosi hujus corporis partem jure quodam suo ita sibi deposcit, ut nusquam nisi in capite conquiescat. Propugnent sanè pro Republicâ Enses, reprimant hostem Hastæ, excubent pro patriâ Leones, tueantur justitiam Secures, protegantur cives manibus, quicquid armorum in Equestri ordine, velut instructissimo Poloniæ armamentario continetur, pro communi salute promatur: at armare & ornare patriam, unum ferè Diadema potest.

Quidnam nostra hæc oratio velit Pontifex Nobilissime, nihil attinet interpretari, interpret sermonis nostri est **TVA** Majorumque **TVORVM** in patriam pietas, quâ **TE** virtute nemini unquam concedere voluisse, vel illis ipsis testibus confirmamus, qui in eodem studij amorisque in patriam, patriæque caput Serenissimum Regem nostrum, curriculo, quanto studiosius, tanto laudabilius **TECVM** certarunt.

Quamquam aliud præterea nobis Diadema de **TE TUUM**
sugge.

suggerit, Principum **TE** heroumque purpuratorum stirpem esse, & stirpem quidem talem ut magni illi **Maloviæ** Duces, quorum **TV** sanguis, nihilo à **TE** minùs retulisse videantur, quàm in **TE** contulerint. Neque nescii sumus aliud Principes illos habuisse Diadema: **TIBI** tamen regium divinitus oblatum est, ut constaret altius **TE** in Republica evalurum fuisse, quàm ipsi pervenissent. Non indignè Principes illæ Animæ hæc à nobis audirent, si **TE** per tot tamque sublimes gradus ad summa aut ire, aut jam pervenisse spectarent.

Feliciores verò **TVA** hæc quàm Cæsaris Fascia est, Præsul Nobilissime, illa enim communem patriæ gemitum excivit, **TUAM** sine voluptate nunquam aspexit Polonia, nunquam gestavit; gestavit verò at semper in capite. Ac tametsi ea fuerit **TVA TUORVM-QUE** virtus, ut patriæ causâ inum etiam in Repub. locum æquo animo capere non dubitasset, ubique tamen **FASCIA** Diadema fuisset, nec interesset quâ parte gestaretur quæ in statuis etiam marmoribusque virtutes **TVAS** claritudinemque loqueretur.

Illud autem prodigii non dissimile videtur, quod in tanto sanguine, quo area Fasciæ **TVÆ** redundat Diadematis candor minimè temeratus reluceat, eam sine controversiâ notat amplitudinem, quæ tametsi ad purpuram Principum ortum referat, suoapte tamen splendore sic enitescit, ut magnis illis nominibus, neutiquam gloriarì velle videatur, nisi fortè virorum fortium bellicâ virtute, hostiumque sanguine is candor effloruisse existimandus sit. Habet enim id cruor hostilis, ut reddat candidissimos, quos maximè rigaverit. Quod non quidem miraculum uni **FASCIAE TVÆ** tribuere parati fueramus, nisi Serenissimæ Domus Austriacæ **Tænia** in ejusdem vel fortunæ vel gloriæ consortionem venisset. Rem eam paucis **Leonclavii & Ortelii** face prolatâ jam aperimus. Austriam quinque olim **Alaudæ** avicæ cœlestino, ut ait **Ortelius**, clypeo impressæ signabant, donec **Leopoldus Marchio V.** in **Ptolemaidis** expugnatione candidâ Fasciâ cum suis succinctus, cum victor hostili sanguine totus maderet, nec Fasciæ candorem cruor impius violasset, virtutis læti-que ominis ergò, rejectis **Alaudis** Fasciam candidam sanguineo prætentam scuto Austriæ dedicavit, eamque gloriosi hujus cimelii hæredescripsit, quod quàm religiosa amplissima illa Regum Regnorumque mater conferuet, universus terrarum orbis & videt & miratur. Miramur & nos **FASCIAE TVÆ** tantam æmulam extitisse, parique utramque virtute partam esse gaudemus.

Quæ quidem non eò retulimus, quasi insignia hæc inter se commissuri, id enim tametsi citra ambitionem fieri posset tamen nectu probares, & **Arma Novoduorsiana** tali contentione

nequē acui postulant, nequē poliri, sed satis fuerit nobis ostendere Gloriosam FASCIÆ TUX imaginem, in Amplissimā Principum, Regum, Imperatorum Majestate effulgere.

Licet autem candore oblædi aspectum, viresquē oculorum dissipari, & vulgo experientia, & doctis ratio persuadeat: id tamen Diadematū Tuo egregia virtus impertivit, ut invidiam tantummodò splendore suo fatiget, at quibus grata virtus est, voluptati est præclarissimum Generis Honorisq; TVI lumen. Et sanè colorum princeps albus est, quem purissimum esse Thylesius libri de coloribus cap. quarto confirmat, & si atrum, qui infimus & inauspicatus est excipias, nullus est color qui albi sit expers, ipse autem expers omnium, lucem quā nihil pulchrius, nobiliusquē orbis habet quodammodo æmulatur, ut non injuriā dici quædam imago à Cælio nuncupetur, regiusquē ac nobilissimus sine dubio habitus est, antequam conchyliorum sanguine regia tingi cœpta majestas est, tametsi regnante etiam purpurā Cyrus minor, cum judicaret decere viros fortes ad victoriam, aut si aliud fortunæ liberet, ad mortem, splendidissimo cultu procedere, candidis exercitus suos chlamydibus ornabat, ut in Artaxerxe Plutarchus auctor est. Quin ipsis Persarum Regibus candida stola peculiare fuit ornamentum, quod Dario devicto Alexander cum reliquo cultu Persico usurpasse à Diodoro Siculo. lib. septimi, numero 77. scribitur. Adstipulatur dictis multis seculis superior Assyriæ Monarchiæ auctoritas, quæ nunquam Regibus Purpuram sine veste candidā permisit, ita ut alius nemo purpureæ chlamydi partem candidam adtexeret, ut lib. primi Genialium Dierum capite septimo ac vicesimo narrat Alexand. Neapolit.

Sed nè peregrè arcessamus candoris nobilitati argumenta, Princeps & conditor Gentis Polonæ Lechus aquilam in perenne Regni decus optaturus, noluit nisi albam Martini Cromeri libro secundo teste, ut non virtus solum, sed etiam candor alitis, ut Sarmatica Nobilitas avitæ gloriæ tesseram & auspiciū haberet immortale.

Vide Antistes Illustrissime quantopere FASCIÆ TVÆ candorem tot Regum, tot Regnorum, deniquē patriæ ipsius majestas vel æmuletur vel commendet, cujus post hominum memoriam tot Principes voverint esse candidati. Fulgurent aliorum purpuræ, & ambitiosos auri fulgor jaculetur radios, TE Aquilæ Polonæ concolor Diadema felicius ornat, quàm si antiqua Tyrus omnes suas in TE dibaphas congestisset. Veterum porrò Principum fascias, ut candore insignes, ita scripturæ non planè expertes fuisse exempla demonstrant. Nam Diadema, quod Armeniæ Rex Tigranes victus ac supplex ad Pompeij pedes abjecerat, extima quidem parte hanc epigraphen


phen ΤΙΓΓΑΝΟΤ ΒΑΣΙΛΕΥΣ, intima verò victorias triumphosque ipsius, opere Phrygio pictos continebat, quod è veterum nummis se didicisse Joannes Pierius lib. Hieroglyph. 41. cap. 12. confitetur. Quin immortalis ille seculorum REX in JESU sacerdotis corona Helai Tobiaë Idaiaë & Hei Principum, qui materiam operi subministrassent, describi, internuncio Zacharià, jusserat. (Zach. 6.) Principes autem illos Hebræi, ut Glossa ordinaria & Cornelius à Lapide, aliique ejus oraculi interpretes meminerunt, non absurde fuisse Danielelem, Ananiam, Azariam, & Misaëlem judicant, dignos profecto quorum nomina sacrosanctus Pontificis vertex gestaret. Placet nobis itidem tanta non mirari modò, sed etiam imitari exempla Nobilitatisque TVÆ Diademati quod nullius unquam Cnei pedibus accidit, non peregrinorum gestorum miracula, non exterorum Regum superba nomina, sed gloriosiss. Majores TUOS aut inscribere, aut intexere, nemo enim meliori jure & sacrum verticem TUUM ornare, & capitis tam augusti sanctitate consecrari atque illustrari, quàm ii, à quibus cœlesti quodam munere Poloniaë vel procreatus es, vel sanguinis morumque diversitate nunquam discessisti, quique Fasciæ quàm teximus materiam nobilissimam, hoc est, TE ipsum suppeditarunt. At cujusnam Phrygionis, cujus polymitarii id operis fuerit? Absit sanè ut illiberali manu tantorum Principum Diadema tractetur. Nemo dignius ornare Fasciam TUAM potest Illustrissime Domine, quàm itidem Majores TUI, qui amplissimis virtutibus rebusque gestis hoc diadema meruerunt, ornaverunt TIBI denique tradiderunt, sacrosque vultus suos Taniaë TVÆ non secus ac se Minervæ clypeo Phidias, admirabili virtutis artificio illigarunt.

Et quia illigationis meminisse contingit claudenda nodo Fascia est. At quinam is, aut cujus manu? Placuerat Alfonso Arragonum Regi præfectis Gordij nodi vinculis regiæ virtutis industriam designare. Placet & nobis, bonique ominis est ille idem at integer nodus, quo Regni Asiaë fortunam fatumque Gordius à vomere ad sceptrum invitatus, sudoremque arando conceptum Regio Diadematate destringere jussus devinxerat. Cum enim ab opere fessus templum cum jugi loro ingressus, delatum oraculo regnum accepisset, tam artificiosa atque inexplicabili perplexitate lorum colligavit, cui dissolvendo nulla par inveniretur industria. Pendebat igitur nodus eo consecratus elogio, quo Rex Asiaë designabatur, qui eum explicaret. Narratur res à Q. Curtio Rufo, lib. 3. de rebus Alexandri, & Gordij vinculi paræmia omnium linguis teritur. Hoc igitur Præsul Ampliss. FASCIÆ TVÆ ligamen esto, quando & Phrygius ille,

& **T**u u s hic nodus regià adstrictus manu est, atque ut ille in templo, ita hic, olim quidem in plerisque per **M**ajores **T**vos, & nunc per **T**e in **C**amenecensi, **P**remisliensi, denique **P**osnaniensi basilicà dedicatus nulla aut vi aut arte distrahi posse videatur. Quamquam victus **A**siani fortunam hic nolumus, cui quidem **A**lphonsus **R**ex insultasse videtur, cum sectum ingeniosæ vel fortitudinis vel felicitatis monumentum præferre non dubitavit, uti indicat **T**ipotius. Ac illum quidem fatalem nodum, ut vis abfuisset, tempus edax rerum profectò restrinxisset, & vetustatem occupans **M**agnus **M**acedo acinace intercidit; at ut pulchrius diuturnitate **T**uum **D**iadema est, ita nodo arctiore devinctum. Quod autem tanta **T**uorum **T**vaque merita colligant, nulla violabit antiquitas, quia custodit æternitas.

Sed subeat jam tandem conspectum **T**vum **F**ascia **T**va non jam qualem è veterum scriptis aut dictis contexuimus, sed qualem **T**v ab amplissimis **M**ajoribus **T**uis accepisti: in quâ fortunam, fortasse quisquam suspiciat ac deprædicet, at nos **Æ**ternam **P**rovidentiam veneramur, & quia **T**e è tam nobili fonte, & quia ex illis tantum flumen sapientissimâ libertate voluit promanasse.





NOVODVORSCIANÆ NOBILITATI SACRVM.



*Purpureis mitra hæc radios dabat ante dinarchi:
A jâcra radios nunc capit ipsa coma.*



Omnes boni semper nobilitati favemus: & quia
utile est Reipublicæ nobiles esse homines di-
gnos Majoribus suis, & quia valere debet apud
nos senex de Repub. meritorum memoriâ, etiâ
mortuorum: *Romanorum Oratorum Princeps. Orat*
pro P. Sestio.

Cum in terris imago & umbra summi illius Dei
Principes sint, curare potissimum debent, ut
quemadmodum Deus Angelorum Hierar-
chijs in diversos ordines gradus atque officia di-
stributis imperat, sic illi penes se viros nobilitate
& virtute præstantes habeant. *Scipio Amiratus*
Dissertat. Polit. lib. 2. Discursu 8.

Ipsa generis nobilitas spem facit fore, ut fiant Do-
mini regionis. *Euripides in Ino.*

Instillata Patris virtus tibi. *Homer. Odysß. & Plutar-*
chus pro Nobilitate.

ILLVSTRISSIMO AC RE-
VERENDISSIMO DOMINO D. ADAMO
COMITI A NOWODWOR AVITI DIADEMA-
TIS GRATULATIO EXEGETICA.

ANtequam vel TIBI Majores TVOS vel Majoribus TVIS
Te gratulemur, Antistes Illustrissime, primò eorum,
quos, non tam fortunæ, quàm cœlestis providentiæ mu-
nere Diadema TUUM continet, aspectu moneri vide-
mur, ut non nihil iis respondeamus, qui quò suas tenebras
consolentur, ita de virtute philosophantur, ut splendorem generis,
gloriosamquè nominis antiquitatem, è bonis humanis prorsus exte-
rant, nequè unde profectus sis, sed qui sis spectandum esse dictitent.
Nimis equidem stoica hæc an Mariana potius factio est. Nam pro-
prium quidem hominis bonum virtus est, sine quâ nemo bonus esse,
quâ uti nemo malè potest: at nihil præterea boni mortalibus à Deo im-
pertiri, nemo profectò dixerit, qui modo aliquid habeat sanitatis. No-
bilitas enim ut virtutis partus est; ita præclarissimum parandæ immor-
talitatis instrumentum, adeò quidem, ut sæpenumero plus ad gloriam
conferat mediocris virtus magnâ instructa nobilitate, quàm magna
probitas natalium sepulta obscuritate; hæc quippe nunc primum è te-
nebris viam quærit, arduoque ad lucem eluctatur ascensu, illa in sum-
mo posita, mediocritatem virtutis, Majorum magnitudine compen-
sat, & sanè magis delectat oculos sigillum in aprico, quàm in tenebris
colossus. Quæ quidem non perinde dicta volumus, quasi nascendi
felicitas, virtute prorsus destituta, sufficere ad gloriam possit. Quid e-
nim tum profuerit sanguine longo censerì, quem indignum sanguine
degener prodat animus? quid profuerit illustrium avorum fumosas
jactare imagines si vitæ obscuritas vix hominis simulacrum superesse
patiat? Sed de his non agimus, quos qui linguâ styloq; incursant, à
nobis sentiunt. Vera enim nobilitas est generis splendor
& majorum partus virtute, & posterorum præclarâ imi-
tatione cumulatus. Prodit enim suorum gloriam quem
piget imitari. Itaque quâ de loquimur Nobilitas est, quæ non ex-
cordes Arcadas, non infantes Cecropidas, non truncos Hermas, aureas-
què pecudes efficit: sed viros gratiæ utilissimos, virtuti addictissimos
immortalitate dignissimos suppeditat. Quorum quidem facile Prin-
cipem esse TE Antistes Magne' meritò diceremus, id enim & Majorum
TUORUM & TUÆ virtutes loquuntur, sed ut modestiæ TUÆ paream-
mus,

mus, in eorum **T**e numero censemus, quibus splendor gentilis, non inanis jactantiæ incitamentum, sed rerum immortalium accommodatissimum est invitamentum. Verum enim virtutes **T**vas **F**ascia **T**va paullo legendas nobis offeret, nunc clarissimam stirpis gentisque **T**va lucem intuemur, atque è quibusnam tandem profecta sit altris attendimus.

Ac illud quidem **T**ibi gloriandum imprimis est Antistes Magne, **F**asciam **T**vam non peregrè huc illatam, nec peregrinis contextam esse manibus, sed proprium germanumque Poloniae partum, patriæque semper fuisse & esse decus immortale : deinde cum pleraque amplissimi hujus Regni ornamenta familiarumque illustrium stemmata, vel fatis prorsus jam defluerint, vel solitudine posteritatisque inopia occasum spectent, **F**ascia septuaginta propemodum non capita, sed ut nobilissimas ita numerosissimas Tribus felicissime coronari, ut cum aliorum stemmatum sit viros clarissimos numerare, Fascia possit gentes recensere, minimèque verendum videatur, ne unquam deficiant, quos tam fecundum illustrium hominum cinxerit Diadema.

Cujus quidem antiquitatem ortumque quod attinet, superat id omnem ferè Historicorum Fastorumque memoriam, ut plerique scriptorum malint ingenuè nescire, quàm temerè divinare. Latamur equidem Antistes Amplissime, id **T**e divinitus sortitum esse insigne, cujus neque principium satis à mortalibus sciri queat, neque finis timeri debeat, ut eâ re præclarissimam quandam æternitatis referre imaginem videatur. Quanquam autem hæc tam abstrusa origo in summam **T**vi **T**vorvmque cedat commendationem (habent enim id magna, ut eorum incunabula, vel spatiorum immensitate, vel temporum diuturnitate ab humana cognitione natura secernat) nihilo tamen dilucidiorum ei pariunt gloriam monumenta scriptorum, qui ingenuâ illâ ignoratione non contenti difficiles, ac clarissimos **F**asciæ **T**uæ ortus velle videntur indicare. Nam alij quidem luculentum id religionis Christianæ signum esse, ac sacrum quoddam Diadema perhibent, quod Dersicraio viro amplissimo, è sacro fonte exeunti Miecislaus Princeps Poloniae gratulabundus imposuit : alij magnæ in patriam, principemque fidei, adeoque virtutis bellicæ volunt esse monimentum, quod viris strenuissimis, qui Haliciensî prælio fortem Reipublicæ navarant operam, gloriosus ille Regum Imperatorumque victor Boleslaus Crivoustus benignissime impertiverat, dum illustria illa capita piis hiæntia vulneribus, propriis ipse manibus, non tam alligaret, quàm coronaret. Sive autem è cruento hoc, sive è salutari illo fonte Armorum **T**uorum gloria profluxit, magna

magna profectò atque præclara est. Sed nos eam utrinque auctam vehementer, ne temerè credamus, egregia Majorum **TUORUM** in Deum religio, & insignis rerum domi bellicque gestarum amplitudo facit; ut duo illa divinarum juxta ac humanarum rerum decora sanctimonia, & patriæ amor, pulcherrimum venerando **TUO** vertici diadema, tot jam ante seculis videri possint præparasse, quod quidem tam diuturno, tot clarissimorum hominum usu, felicissimà **TIBI** hæreditate videmus obvenisse. Effulsit enim hoc decus, ut viciniorem nobilissimæ stirpis **TUÆ** originem attingamus in inclytâ Lezeniorum prosapiâ, indeque cum sanguine in Nowodworscios translata commutavit quidem cognomentum, at splendori non modò detrimenti nihil, sed etiam plurimum fecit accessionis. Non est attritum Diadema **TUUM** Præsul Magne nullâ labis cujusquam suspitione violatum, sed usu ipso eò clarius enitescit, quod plurimos eosq; magnis ac diversis honoribus auctos ornaverit. Vix enim ullum honorificum in Republicâ munus est, quo non pleraque gentis **TUÆ** lumina eluxerint. Hinc Magni Præfecturarum Præsides, hinc amplissimi Senatores hinc Antistites celebratissimi, hinc cæteri publicis honoribus insignes viri tantò numero tamque proluxâ seriè prodierunt, ut si vel hi tantummodò spectentur, non claritudine tantum, sed etiam numero Novoduorsciana familia nulli videatur esse concessura.

Tot igitur gemmæ **TUUM** Diadema illuminant tot sidera suos in te conferunt, vel potius Tuos in se radios mirantur. Nam illud profectò reticere veritas prohibet, tantum claritatis Majores tuos **TIBI** reliquisse, quasi nihil addendum superesset, tantum verò **TE** addidisse, quasi ab illis nihil accepisses, ut controversum feceris, plus ne **TV** à Majoribus an Majores à **TE** splendoris videbantur mutuati, facessat invidia, nisi ea, quæ sunt, non dicimus. **TV** verò Præsul Amplissime agnoscere debes, si dum studemus veritati, **TUÆ** minus parcimus modestiæ. Quanquam non soli hæc de **TE** nec sine auctore testeque loquimur. Locuples sanè testimonium est ab Infulis tribus, quibus te virtus meritaque tua redimierunt. Cum enim universi frui **TE** simul nequeant, facit optima illa maximaq; Bonitas, ut successione vicariâ fruantur quàm plurimi. Sic sempiternus Auctor naturæ solem & lunam duos lucidissimos mundi oculos ire perpetuo jubet, ut quoniam prodesse omnibus stando non possunt, prosint cuncta obeundo. Obivisti sol præfulgide orbem Poloniæ, eumque à Podoliæ Oriente, ad usque Poloniæ occidentem felicissimè permensus virtutum **TUARUM** luce omnium oculos vel perstrinxisti, qui inviderent, vel qui faverent, recreasti. Neque tamen suprema hæc **TVI** cursus meta est, superet solstitialis linea quam Magnus Dobrogostius sua illa cruce in hoc Sarmatiæ

matia cælo descripsit. Quanquam cœlesti id providentiæ libet potius relinquere, quàm divinando scrutari. Licet enim è vitæ morumque TVORUM sideribus prædici nō possint nisi vera, nisi felicia, tamenè per alienam TIBI modestiam gratificari velle videamur, futurorum ut notitiā ita administratione, cœlo permissa, TE Antistes Illustris. quàm possumus amantissimè humillimèque salutamus, splendoremq; FASCIAE TUÆ, hoc est egregias Majorum TUORUM virtutes, gloriamque occasus expertem ita TIBI gratulamur, ut simul majorem in modum lætemur, eam non minùs Clarissimæ Novoduorscianæ domui, quàm reliquis omnibus, à quibus condita & propagata est, esse obligatam. Vive Antistes magne, vive clarissimum Nobilitatis Polonæ sidus, radiisque quos TIBI & tanta nascendi felicitas, & virtus egregia paravit, sic enitesce, ut ea quæ hætenus consecutus es, non pensum debiti sui, sed argumentum meriti sui læta Patria fuisse glorietur.

FASCIAE NOVODVOR- SCIANÆ PAVCA E PLVRIMIS ORNAMENTA.

Quantam animo caperes voluptatem Antistes Illustris, si in hoc auspiciatissimo honoris TVi aditu, Illustrissimos Majores TVos & comites haberes, & gratulatores; quàm item præclare illi secum agi putarent, si TVÆ dignitatis splendore coram frui possent, divinare facilè etiam non augur potest! At quia id immortalis, humanæ mortalitatis, lege vetitum est, visum nobis est paucorum è majoribus Tuis non umbras sed lumina, non præstigiis artevé damnata, sed liberali Palladis artificio productos felicitatis TVÆ comites addere. Quanquam & illi è cœlo jucundissimè TVos spectant honores, & TV ab illis nunquam de esse videris, in quo vivere nunquam destiterunt. Spectares verò eos Antistes amplissime, tales omninò, quales summa cum voluptate spectavit olim ac venerata est universa Polonia: An non etiam vniversus orbis? Eos, inquam, quos avita claritudo generis, usitatos egressa annalium fastos, quos innumera virtutum decora Militiæ Togæq; parta, supra omne augustissimi honoris fastigium in nobilissimo Poloniæ regno extulerunt: quos deniq; clarissimam stirpis Regiæ propaginè, Duces Masoviæ inclytos ac rursus Reges Poloniæ augustissimos prisca vidit ætas & mirata est. TVi nempe sunt illi Zemoviti
Princi-

Principes clarissimi, T v i Janussii propugnatores patriæ fortissimi,
 T v i bello invictissimi Conradi, T v i Boleslaj strenuissimi Duces, ac
 T v v s proximè Troidenus Boleslaj Masoviæ Principis commendatissi-
 mi filius, cui, cum inter Zemovitum & Vanconem seu Venceslaum suos
 germanos, trifariam divideretur Masovia, T v v m gentilitiū Castrum
 Novoduorum hæreditario jure obtigit possidendum. Inde Nobilissi-
 ma Comitum à Novoduor posteritas ad usq; nostra tempora & ad T e
 verum hæredem, continuo sanguinis ac splendoris nobilissimi ductu
 devenit felicissimè, in quibus Duces belli fortissimi, Antistites religio-
 sissimi, veri denique patriæ defensores laudatissimi per quadringentos
 amplius annos prodibant innumerabiles, qui in gloriæ immortalita-
 tem Fasciam gentilitiam Virtute bellicâ, Martio sudore sanguineque
 transcripserunt, & complurium seculorum labore æternitatem ei cer-
 tissimam pepererunt. Sed verò fuerant etiam, quod dixeram, qui
 non ferro sed ingenio, non armis & ensibus, sed infulis & tiaris, non
 asperitate bellicâ, sed mitioribus studiis doctrinâq; admirabili, pluri-
 misque alijs, iisque insignibus titulis, primi sanguinis nobilitatem,
 summumque Fasciæ T v æ splendorem auxerunt, dignumque avi-
 tum diadema consuerè, quod non galeatos tantum Principes, sed lau-
 reatos etiam doctores redimiret. Talis fuit Magnus ille rebus pro
 Ecclesiâ & Patriâ insigniter gestis Comes à Novoduor Dobrogostius
 Novodworskj, qui quicquid domi scientiæ parari poterat egrigie com-
 plexus, uberius doctrinæ desiderio, magnis impendijs, majore animo
 peregrè profectus est, ubi & morum mirâ integritate omnes in sui
 amorem, & præstantissimæ indolis felicitate, in admirationem pertra-
 xit, Patavijq; humani divinique juris lauream consecutus, non septem-
 trioni solum, sed remotissimis etiam populis documentum edidit
 nationem Polonam nec ingenii præstantiâ, nec ardore discendi, nec
 humanitatis commendatione ulli prorsus peregrinarum gentium
 concedere. Relictis itaque in Italiâ non paternæ rei detrimentis,
 non ridendâ opum luxusque jactantiâ, sed egregiâ sanctimonix sa-
 pientiæque opinione, felici morum doctrinæque commeatu parato,
 in patriam redux, ita civium in se oculos animosque convertit, ut sa-
 cerdotio vixdum initiatus, ad Ecclesiasticæ disciplinæ magisterium
 Decanatumque à Pontifice Cracoviensi, ad laudum quoque divina-
 rum sacrique cantus præfecturam à Gnesnensi Archiepiscopo, deni-
 que ad summum Cleri Collegium, à Posnaniensi Antistite magnis stu-
 dijs deposceretur. Interea minimè passus scientiam illam suam, tot
 laborum, itinerum, vigiliarum, impensis quæsitam, vel inerti otio hebe-
 scere, vel privato contentam studio, sterilem desiderare: ita omnium

commodis se addixerat, ut Nobilissimi hominis domus sacrarium quoddam esse videretur, unde ab omnibus consiliorum oracula petebantur, essetque nemo, qui non inde læto, vel æquo saltem animo discederet. Quā quidem DOBROGOSTII humanitate sapientissimā, vel humanissimā sapientiā factum erat, ut Polonja nequaquam Romæ veteres illos Ælios Mutiosque invideret, quorum domus, quasi juris quædam oracula consultoribus semper patuisse dicuntur. Talis in privatos DOBROGOSTIVS; at qualis erga utilitatem publicam fuerit Ecclesiæ Gnesnensis senatus testis esto: qui cum Zemoviti Ducis Maroviæ, infesta arma, quibus Antistitij vacantis bona hostiliter populabatur, Loviciamque arctā premebat obsidione, nec reprimere nec placare posset, DOBROGOSTIVM ad Principem infulam communi consensione vocavit, ejusque nec dum Præsulis objectu & oppidum & prædia protexit. Vnicus tum in tantā Sacerdotum frequentia repertus est NOWODWORSKI, qui non dum quidem contraveniente Ludovico Rege oblatam sedem adierat, justum tamen & tenacem propositi virum, non vultus obstantis tyranni mente movit solidā, stetit nequaquam fractus injuriā, nec cceptam meritorum suorum serie alienā iniquitate vel turbari vel intercipi passus, magnum de Rege, majorem de victoriā, maximum egit de se ipso triumphum. Ludovicus enim virtute viri, suāque conscientia victus, saniora cœpit consilia, & cum gratificari aliter læso non posset, egit sedulo, ut Posnaniensem cum potestate regeret Ecclesiam. Rexit, quā prudentiā, quā religione, quā felicitate, inde constet, quod absens (Rei autem publicæ causā aberat) Gnesnensis iterum Archiepiscopus à Clero Regeque Wladislao fuerit designatus. Redux ab Urbano VI. Pontifice Max. publicā Regis, regni que Poloniæ gratulatione primus patriæ princeps est salutatus Major (quanquam non se ipso effectus) summā vigilantia pro Religione excubare, summā constantia patriæ prospicere, summā benignitate consilij, requiē inopes sublevare, suarum esse partium ratus; quicquid in Ecclesiam ornamenti, quicquid in Rempublicam commodi, quicquid in miseros opis conferre potuit, id religiosissime, fidelissime, Deo, Patriæ, civibus, impendere nunquam intermisit, tantūque sanctissimi Præsulis, sapientissimi senatoris, optimi Pastoris universæ posteritati specimen repræsentavit, ut præcipuum Fasciæ decus DOBROGOSTIVM esse crederemus, nisi TE Antistes Illustris. iisdem prorsus ornamenti radiantem haberemus, idque causæ sit, quod admirandas amplissimi viri virtutes tam paucis perstringamus, quia vivam earum in TE imaginem universi intuemur, in quā Præclarissima Magni Dobrogostii vita luculentius elucescit, quā humanā facundia exprimi posse videatur.

Enim-

Enimverò Tu Æ divitis animi Tui præsentēs ac propriæ dotes,
non alienis Majorum laudibus, quasi longinquis adjumentis opus ha-
beat. Satis ampla laudatio est, quam propria pariunt decora; nec A-
vorum imagines ibi quæras, ubi quotidiana præclarorum facinorum
exempla non desunt. Mitto itaque Gentilium T V O R V M præconia,
quæ nequē exiguum caperent libelli spatium, & ditioris ingenij venâ
uberioremquē dicendi vim requirerent. Summum est, T E Majorum
vestigijs insistere, & mansuetiora secutum augendi decoris consilia;
post binos Novoduoriscianæ Gentis inclytæ Polnanienses Episcopos,
tertium T E ad idem honoris culmen ascendisse. Vadis, ô Amplissime
Antistes, Qua procures abiēre T V I, neque aliud super est, quàm ut co-
dem, quò illi præiverant, fortunatus pervenias.

Π Α Ρ Ω Δ Η.



*Te sacra Regum progenies suos
Adornat ortus! sanguine Principum
Prognatus Heros sic vetustum
Nobilitate decus perennas!
Sic, multa TE per secula promouens,
Genti vetustas nectit origines,
Ceras Avorum dum recenset
Purpureos numeratq; fascēs!
Sic sceptrā sanctas narrat & Insulas,
Census & almis pignus adorea!
Non erubescendis reponit
Sic Atauros Proavosque fastis!
Objecta (fallor) qua series virum
Mentem reversat! ludit amabilis
An me hîc imago! Genti
Innumeros video Dynastas.
Videtis illum! quàm mea lumina
Vultu sereno magnanimus feris
Conradus, unum quem severi
Semper opus tenuit Gradivi!
Et Zemo vitos cernere si libet;
En bina belli fulmina, quos meus.
Suspexit orbis dum invidendos
Deproperant Lechia triumphos.
Bolesilavos num video! Duces
Illi patrîtâ gentis & inclyti
Ceu gemma Regni, sive Martis
Seu placida micuerê signa*

Tranquilla

Tranquilla pacis (pax ô amabilis
 Sani voluptas unica seculi
 Quis te redonabit fruamur
 Ut melius requie togatâ!)
 Hem Troideni (grande loquor decus)
 Fas ora, vultus cernere patrios
 Moresq; regiamque mentem
 Continua serie sequacem
 Gentis patrita. Tun' Novoduorsciam
 Sortitus arcem! Ten' series patre
 Gaudet nepotum? à Ten' honores
 Et Comitum decora alta Avorum?
 Hâc styrpe nati sunt Comites mei
 Orbi Polono, quos toga, quos sagum
 Fecere quos illustriores
 Et tituli, sacer & tiaras.
 O quot feraces styrps ea furculos
 Virtutis alma protulit & boni,
 Dignos quibus longo dicentur
 Marmore non perituri horores.
 Non fallo, vivam spirat imaginem
 Antistes; ingens & patria decus
 Et gentis illustris propago.
 Mens veterum reparare famam
 Durâ quam adurget sollicitudine,
 Priscos priorum crescere per modos,
 Ut gloria fructu decoro,
 Et foliis renovetur arbor
 Olim Polonis conspicuum sata
 Ingens in agris; scilicet inclyto
 Futura ligno honos decusque
 Et trepida patula umbra plebi,
 O te beatum cui domos inclyta
 Non mutuatis fulget honoribus
 Quos non levis fors, non favores,
 Propria sed peperisse virtus
 Narratur. At te hic non proavum nitor
 Non prisca Avorum gloria, non genus
 Illustre, sed praeclara morum
 Temperies, probitasque magnis
 Aptasse fertur fascibus & mitris.
 Et dona docta Palladis, & pia
 Mens taminatis cassa culpis,
 Crimen & omnigenum perosa.
 Unde haud honores, tertia sit licet
 Adjuncta Posna, terminat Insula;
 Promittit ultrò pulchra virtus
 Editiore loco videndum
 Te Magne Praesul. Ferrea scilicet
 Ut vincla iungens Hercules lapis




*Connectit orbis annulosque
Ordine perpetuo catenat.
Honos honorem sic sequitur fluit
Sic ex velustis alter honoribus
Honos, catenatiq; certo
Proveniunt placidoq; nexu.*



FASCIAE NOBILITATIS NODVS.

Seu
Superiorum Coronis.

 **H**Æc sunt Præsul ILLVSTRISSE præclarissima
Gentis Tuæ lumina, hi sunt DIADEMATIS TVI
& conservatores & propagatores, cum his IV
ut sanguinem, ita virtutem, virtutisq; partum
gloriam ac nobilitatis splendorem habes communem.
Quin autē liberaliores in percensendis Majoribus Tuis
fuerimus, id equidem cum incredibilis enumerandorū
multitudo & nostra tenuitas fecit. Plura enim Patriæ
ornamenta FASCIA Tua comprehendit, quàm vel indu-
stria nostra complecti, vel stylus cujusquam assequi pos-
sit. Injuriam tamen nè illi quidem quæri possunt quos
tacuimus. Pictores enim hic imitamur, qui turbam re-
præsentaturi duos tresvè totos pingunt, quorundam
vix summa capitum, reliquorum nè umbras quidē ad-
umbrant, nullā prorsus vel pingendorum injuriā, vel ar-
tis invidiā. Quare nemo nobis vitio dederit, qui pro-
positum nostrum, libelliq; angustias spectaverit, præfer-
tim cum è paucis hisce, egregias reliquorum virtutes æ-
stimari quàm benè tam facile possit. Cæterum si quis o-
mnium laudes nosse peroptet, is in TE uno, quod quan-
tò fidentiùs repetimus, in TE inquā uno, virtutes omniū
amplitudinemque singulorum, liquidò valeat intueri.

D

FASCIA



FAS-
CIA NOVVO-
DVVORSCIA-
NÆ VIRTV-
TIS.



FASCIARVM EXTERNA- RVM CVM NOWODWORSKIANARVM VIRTVTVM DIADEMA TE SYNERISIS.



Spectata satis Natalium TUORUM FASCIA est magno secu-
lorum intervallo à Majoribus TUIS elaborata Illustris.
Antistes spectare jam liceat DIADEMA VIRTUTIS TUIS
ipsius manibus contextum, cuius quidem imaginem
prolaturi, eadem illa quæ ante artis experimenta virtute
duce repetimus. Neque verò id honestamenti genus censeretur
insolens. Licet enim receptum magis sit virtutis ergò quàm virtute
coronari, quia tamen virtus ipsa sibi præmium, ipsa sibi ornamentum
est meritò addidimus, ipsa sibi suisque diadema est.

Atque ut ante hominum docuerunt exempla, regnum illis de-
ferri solitum, quibus Fascia regalis cessisset, ita nunc eruditorum con-
sultis declarandum, FASCIAM deberi, quibus regnum, sapientum
tribuunt suffragia. Certè Oratorum Rex tertio de finib. lib. Quàm
gravis, inquit, quàm magnifica, quàm constans conficitur persona sa-
pientis, qui, cum ratio docuerit, quid honestum esset, id esse bonum
semper sit necesse est beatus, verèque omnia ista nomina possideat, quæ
invideri ab imperitis solent; rectius etià appellabitur Rex quàm Tar-
quinius, qui nec se, nec suos regere potuit, rectius Magister populi, id
enim est Dictator, quàm Sylla, &c. Nec abnuat vates Venusinus libri
primi, prima epistola, qui de viro bono è stoicorū sensu ita pronunciat.

Ad summam sapiens uno minor est Jove dives,

Liber, honoratus, pulcher, Rex denique Regum.

Rei tantæ tantis auctoribus tribuit calculum hunc Romanæ stoæ
Princeps Epistola 37. Si vis omnia tibi subijcere, te subijce rationi. Mul-
tos reges, si te ratio rexit. Accedit Magni Gratiani Præceptor, qui
in Monosyllabis. Qui rectè inquit faciet non qui dominatur, erit Rex.
Neque aliud Senecæ alterius, si tamen alter est, sententia docet, qui in
Thyeste sanè quàm Philosophicè canit.

Regem non faciunt opes.

Non vestis Tyria color,

Non frontis nota Regia,

Non auro nitida trabes

Rex est, qui posuit metus,

Et diri mala pectoris.

Rex est, qui metuit nihil,

Rex est, quique cupit nihil.

Tantum Sapientes illi virtuti tribuunt, ut nequaquam novum, multòquè minùs invidiosum rideri debeat, si tantorum hominum suffragio decretum **TIBI** Diadema deferamus, quem admirabili heroicarum virtutum splendore coruscantem suspicimus. Fecissent idem **TIBI** Præsul Optime Sapientes, quos in suffragium misimus, si vel in eorum tempora **Tu**, vel illi in **Tu** incidissent.

Quare si virtus Regem non ostendit solùm, sed facit, verè Diadema virtus est; O gloriosum Caput, quod talis Fascia devinxit. At unde nam operis tanti textus constiterit? Non equidem serum nemore, depexis velleribus, non preciosis peregrinorum vermium visceribus, non Euganeis aut Appulis gregibus; at quod puritatis insigne est **LINO VIRTUTIS ANADEMA TEXITVR LINVM**, ait Simon Majolus Dier: Canicul. Colloq. 10. Physico. Quoquo te vertas, edit semper miracula, tum naturæ, præcipuè verò divina. Primum fuerit quod illud qualecunquè sit, tinea non corrodit. Ecquis verò dotem eam **FASCIAE TVÆ** abnegaverit Antistes optime, qui vel eminus virtutum **TUARUM** perfectionem aspexerit? Licet enim virtute nemo uti malè possit, non defuere tamen, quibus postquam insigni probitatis commendatione, veluti purpurà effulserunt, vanitatis utique blattas ille ipse vestitus, suo alienoque damno progenuit. Cætera enim vitia contrarijs virtutibus opprimi, solam superbiam etiam in rectè factis cavendam Magnus præcipit Gregorius. At virtutum tuarum Diadema, quàm expers tinearum sit, ille tantummodo non novit, qui te non novit. Certè tot Insulæ in modestiori, & ut Christianè potius quàm latinè loquamur, humiliori vertice nunquam constiterunt. Neque tineas modò, sed ignes etiam felix Diadematis **Tui** linum ridet, Magne Pontifex. Inventum olim linum scribit Plinius Naturalis Historiæ lib. 19. Cap. 1. quod ignibus non absumeretur. Vivum id, inquit, vocant, arduentesquè in focis conviviorum ex eo vidimus mappas sordibus exustis splendentibus igni magis quàm possent aquis. Regum inde funebres tunicæ corporis favillam à reliquo separant cinerè. Vocatur autem à Græcis **Albelstinum** ex argumento naturæ. Non defuisse id lini miraculum Cretæ testis est Strabo Geographicorum lib. 10. Non defuisse Cypri Podocattarus eques Cyprius apud Majolum loco citato confirmat. Sive autem id linum fuerit, sive lapis Amiantus, qui in fila duci consueverat, ut præter antiquos Cælius Rhodig. l. 18. c. 1. Lælius Bisciola Tom. 1. subsec. Lib. 17. c. 16. & plerique alij auctores tradunt: illud certum est constantiam **TUAM** Antistes Amplif. nullis unquam flammis, quas vel fortuna iniquior, vel invidia turbulentior suscitasset deflagrare violeriq; potuisse. Quod si quis sanctissimæ Historiæ adyta inspexerit, viderit sanè Pontificem, cæterosquè sacrorum administratos, nunquam sine lino

lino sacris operatos; viderit æthereos Principes cum mortalibus acturos mundo candidoq; lino effulisse, quin etiam primum infantis Dei vestitum, panniculosq; quibus salus æterna involuta fuit, è lino constituisse, non absurdè quis crediderit, atq; hoc Virgine nati Salomonis Diademate coronarat eum Mater sua, Sacrosancti Cantici interpretes docti piiq; fuisse autumant, præsertim Ludovicus de Ponte super Cantica lib. 6. Exhortatione 35. Parag. 4. & Ghislerus dum eundem locum interpretatur.

Lineum præterea fuit sudarium, quo idem Salutis Auctor in necem tractus sanguine lacrymisque manantem vultum, pio Berenices officio extergi, & immortalì repræsentari voluit prodigio. Linea syndon, quâ divinissimum corpus eadè illa extinctum sepulcro mandandum fuerat involutum, & ut infinita propemodum mittantur, lineum vas Apostolorum principi cœlitus oblatum, universitatē gentium ad spem vitæ æternæ vocari designabat. Quæ quidem omnia insignium virtutum tuarum non leviter adumbratæ, sed palam expressæ videntur esse imagines. Nam & Pontificem Te, & quasi salutis Angelum cœlo demissum Posnania consalutat. Nec profecto sanus quisquam ridebit, si Diadema Tuum nascentis Domini fascijs conferamus. Enimverò multos, in quibus aut vix dum conceptus, aut ferè infans Christus est, paterno studio complexuque foveas, donec & formetur in eis Christus & firmetur. Felicem verò & Fasciam Tvam, in quâ virtutes Pontifice dignæ, hoc est patientis Domini vultus elucet; quanquā ut eam quoque tumulati JESU vestem appellemus, austera vitæ Tuæ ratio, jejuniorumque ultrò quæsita asperitas, ac in primis jure quoddam comprimendorum affectuum studium cogere videtur. Denique lætamur Fasciæ Tuæ linteo Posnaniam contineri, speramusque fore, ut quotquot sive vitiorum, sive hæresum, hic vivunt reptilia, Spiritu Apostolico à Te vel eliminentur, vel in salutarem Ecclesiæ sinum corpusque convertantur.

At enim candor virtutum Tuarum oculos animosque nostros jamdudum trahit; utraque illuc convertimus. sol veteris Academiae Plato in Timæo tantum albo colori tribuit, ut candidi corporis homines confirmet esse Deo devotos, quemadmodum rubicundos animosiores, fuscus viriles. Alibi quoque candidos corpore, quasi Dei filios salutarì scribit solitos. Constet ne rebus hæc Physiognomia Philosophi non judicamus: at Diadematis Tui candorem, insigne religionis symbolon esse ambigere non possumus, dum ardens in Te rerum divinarum studium contemplamur. Licet autem Diogenes rubicundum, alii vero, in quibus vir doctus Steph. Pyghius in Hercule Prodicio viridem virtuti colorem assignent: certissimum tamen est magnas virtutes,

tes, adeoque universam piæ mentis puritatem candore denotari. Fides certè, quæ dictorum conventorumque constantiâ ac veritate continetur, cana seu alba à Magno Marone lib. I. *Æneidos* pingitur, eò quòd sancta sit & casta, ut Hadr. Junius libello de comâ Cap. 10. explicat, eamque ob causam veritas quoque Varoni cana dicitur, & Vestales Romanæ canis ornabantur indicio sanctitatis. Eandem fidei vestem tribuit Romanus Lyricen lib. Car. 7. Ode 35. dum canit. Te spes & albo rara fides colit velata panno. Veritas itidem, quam fidei parentem vocat Alciatus Embl. 9. à Philostrato in *Amphiarao* niveâ stola induta describitur.

Nec ægrè tulerit Prudentia, si candida Tuæque concolor Fasciæ producat, quando & à Spiritu Sapientiæ albâ canitie perhibetur Sap. 4. dum hominis Prudentiâ magis, quàm ætate pollentis CANI SENSUS proponuntur, quâ quidem canitie nequaquam spoliari Prudentiam posse, Magnus Magni Alexandri Doctor pronunciat, dum *Ethic.* 6. Adolescentiam prudentem fieri posse negat, eò quòd usu & experienciâ, quam tempus & diuturnitas parit, careat. Albo igitur capillo sit Aristoteli Prudentia, nobis etiam reliquo cultu. Vix quippe differat à calliditate, nisi eam candor discreverit, quem calliditas simulare potest, habere non potest. Jam verò *Justitia* fundamentum perpetuæ commendationis & famæ, sine quâ nihil potest esse laudabile, ut Pater *Eloquentiæ* 3. *Offic.* lib. edicit, nonne illa quoque FASCIÆ TVÆ candorem æmulatur? si enim Fidei soror est, ut Horat. primo car. lib. Ode 24. vel mater, ut Lipsius secundo civilis Doctrinæ lib. c. 14. Quis dubitet eodem eam conspici velle colore, quo fides, atque adeò FASCIÆ TVÆ splendet.

Ad extremum cum & Italicæ Philosophiæ sententia candida omnia bona honesta fausta que fuerint, & Romani Populum recturi candidâ se veste, quasi compendioso virtutum omnium schemate civibus commendarent, verbo universa complectemur, & virtutes omnes ut devinciri FASCIÆ TVÆ, ita candore FASCIÆ convestiri, nullâ cujusquam injuriâ, TVÆ verò justissimâ laude asseveramus.

Tingant sanè & pingant virtutes suas alij, quibus velint coloribus; nobis virtutes TVÆ omnes candidæ, omnes sunt ferè divinæ, quibus sic effulget Diadema TVVM, ut quàm nobile & auctoribus suis, tam sanctum sit virtutibus TVIS.

Sed enim agatur in orbem FASCIÆ deligetur & quidem nodo Uliſſeo. Affirmat enim naturalis Historiæ scriptor Romanus lib. 33. 1. capite. Iliacis temporibus, annulis nihil obſignari solitum, sed quæ nunc sigilli indigent, ea tum colligata fuisse, nodi non annuli nota. Accinit Historico doctus Magni Poetæ interpretæ Eustachius dum *Odys.* 8. expla-

3. explanatione docet morem fuisse veterem obfignandi seu obser-
vandi quæ occulta quis vellet vinculis seu nodis, nam recentius La-
conum inventum est clavis. Quin ipse Odysseæ auctor proponit
Ulysses arcam obfignantem atque obligantem tradito à Solis filia
nodo. Securus hic erat nodus ait Lælius Bisciola Tom. I. Horar. Sub-
feci; adeò ut proverbii vice ad res bene obfignatas eleganter accom-
modari possit. Securus & FASCIAE TVÆ nodus, hoc est, TVA constan-
tia est, quæ & virtutes TIBI & TE virtutibus sic illigasti, ut jam non vio-
lentum cujusquam Alexandri ferrum, sed ne factorum quidem vis
eum nexum videatur esse solutura. Recte quæ solidam virtutem, in-
victam quæ animi constantiam non amplius Ulyssæum; at Novoduor-
cianum nodum appellare deinceps posteritas possit.

Frustra hic increpet Neronianus Doctor, frustra inculcet suum
illud Solve Fasciam: in TVA enim FASCIA mali quidem nihil, boni
verò plurimum latet, in quo tot tantæ quæ virtutes continentur. Quas
si ille idem Morum censor spectasset, scripsisset sine controversia
STRINGE FASCIAM, MULTUM ENIM IN EA INEST BONI:
ut felicior Fascia in Tvo sit, quam in Antigoni capite, quem, anicu-
læ fortunam Regiam deprædicanti respondiisse scribit Valerius. Si nos-
ses Mater, quantum mali pannus hic complectatur, nè de sterquilinio
quidem tolleres. Rectè forsitan de suo ille Diademate responderat:
nos de Tvo Posnaniæ vitæ TUÆ laudes ac ornamenta suspicienti, re-
ctius omninò diceremus: Si nosses quantum boni Fascia hæc teneat,
pridem sine dubio, vel ab ultimis finibus tam Nobile tuo capiti decus
accersivisses.

Ad extremum has velut lacinias Fasciæ TVÆ adnectimus, quod
nullius unquam flagitii subjectum hastæ tuum Diadema est, nullius
commodavit, aut servivit improbitati; & si quis id tentet, faciat po-
tius quàm afferat detrimentum. Illustre hujusce rei Paradigma dat
Plutarchi Lucullus, ubi Monime Ponti Regina, dum captiva fieri me-
tuit, mortem accelerat. Fit regalis fascia laqueus, & quod felicitatis
amplissimum erat indicium elidendo gutturi infelix vinculum para-
tur; quod corporis regii reverentia potius quàm pondere rumpitur.
At reddita sibi Regina Fasciam despuit, ac, ô execratum, inquit, vin-
culum, nè nunc quidem usui esse potes. Perperam egit hoc, perpe-
ram dixit ingrata Monime, digna fortasse firmiori vinculo, at non
fasciâ, quæ nè volenti quidem Principi nocere poterat. Non caret ea-
dem laude NOWODWORSCIANA FASCIA, quæ tum demum sol-
vi posse ac rumpi videtur, si patriæ Principis quæ salus proprio
etiam paranda sit detrimento.

¶ (O) ¶

¶

¶

Si in

Si in virtute fatis est præsidii ad benè vivendum fa-
tis etiam est ad beatè. Satis enim certè est in
virtute, ut fortiter vivamus, si fortiter etiam
ut magno animo. Et quidem ut nullâ re un-
quam terreamur, semper què simus invicti, se-
quitur ut nihil pœniteat, nihil desit, nihil ob-
stet ergò omnia profluenter, absolutè, prospe-
rè, igitur beatè: fatis autem ad fortiter viven-
dum virtus potest, fatis ergò etiam ad beatè.
Cicero Tuscul. Quæst. lib. ult.

Virtutem ut summum Reipub. thesaurum Regi-
bus, Optimatibus, populo què commendo. Vir-
tus Regna Vrbes, Provincias temperat, fert le-
ges colit amicitias, inter propinquos liberos què
dispensat officia. *Adamus Kontzen lib. I. Polit. cap.
5. Parag. 1.*





GRATIA
[Faint, illegible text follows, likely bleed-through from the reverse side of the page.]

[Faint, illegible text visible on the right edge of the page, possibly from the adjacent page.]

GRATVLATORIA FAS- CIAE VIRTVTIS ECTHESIS.

S I relictus tantummodo à Majoribus splendor satis ad rerum commendationem afferret præsidii Pontifex Optime, vix operæ pretium erat à clarissimæ Gentis **T VÆ** laudibus mentem aliò stylumquæ transtulisse. Sive enim Gloriosa **NOVODVORSCIANÆ FAMILIÆ** antiquitas, sive ortus celeberrimi claritas, sive demum amplissima rerum gestarum gloria spectetur, omnia prorsus in **FASCIÆ** **Tvæ** sic elucent, ut quamlibet sublimem ingenij linguæquæ facultatem infra se videantur esse relictura. Sed enim vi quadam incredibili nostrum omnium animos ad se rapit animus **T v v s**, æquumquæ videtur esse, venerabundos laudum **TUARUM** penetrare subire, quos adhuc in vestibulo **Tua** tenuerit amplitudo. Patere nos Præsul Ampliss. eas animi **T v i** opes, quæ tantò ampliorem tibi pariunt commendationem, quantò magis **Tuæ** sunt, propius intueri, & Augusto virtutum **TUARUM** frui splendore, quos tam magnifica Natalium **TUORUM** luce oblectasti. Atque hic quidem nihil de nostro, nihil de alieno afferre libet. **FASCIAM TUAM** legimus, quæ præclarissima animi Tui ornamenta, eò præfert luculentius, quo continet fidelius. Neque enim Diadema hoc unius tantum alteriusvè, sed omnium prorsus præstantissimarum virtutum, vel compendium absolutissimum est, vel vinculum firmissimum. Hic cœleste quoddam Religionis Pietatisquæ lumen effulget, hic Ardens divini honoris studium effervesceat, hic vitæ humanæ administra Prudentia, hic splendor Æquitatis, hic Moderationis pulchritudo, hic Inviçtæ mentis majestas elucet. Hic munificam Liberalitas manum explicat, hic timoris juxta atque gratiæ victrix Veritas emicat, hic perennis Amor in patriam, hic pia in principem & constans voluntas, hic reliqua virtutum decora sic enitescunt, ut nihil vel virtutis ab homine, vel splendoris à virtute proficisci queat, quòd non **FASCIÆ TUÆ** infinito quodam ambitu videatur esse contentum.

Non veremur Antistes Optime, ne quid fortè **Tuis** auribus dare velle videamur. Neque enim ita de nobis meritæ Musæ sunt, ut earum favore, ad eblandiendam cujusquam gratiam abuti velimus, neque ea virtutum tuarum conditio, quæ alienæ linguæ verborumquæ illustrari postulet choragio. Nempe quicquid tandem commendationis humana in te congesserit facundia, omninò infra te resistat necesse est. Atque hujusce quidem rei vel Judices vel testes Musas esse nolumus, satis est si spectent, satis si mirentur, satis si docendo consequi se virtutes tuas non posse fateantur. Testes & laudum **TUARUM**, &

dictorum nostrorum tot habes, quotquot Regni Poloniae oculi sunt, quos admirabilis vitae **Tvæ** gestorumque fulgor, vel recreat, vel perstringit. Nam ne **Tuam** quidem virtutem adeo celebrem putaremus, si alienae invidiae permolesto quidem, at utili comitatu foret destituta. Verum de his nunc agere nec libet, nec expedit: illud certum est, æquos perinde ac iniquos virtutum **Tuarum** excelsitatem ita testari, ut alteri quidem prædicent celebrando, alteri fateantur in videndo, utrique admirantur spectando. Cæterum ad rem quam agimus, sufficit testis unus, unus ille Poloniae Oculus, qui pro omnibus videt, pro omnibus vigilat, vel potius unus ille Reipublicae Animus, qui omnibus providet, sapientissimus Rex noster, qui cum te in vitae etiam privatae curriculo ad summam gloriam, mirâ & morum sanctitate, & rectè gestorum contentione procurrentem spectaret, non est passus diu, vel Te meritorum **Tuorum** fructu, vel curiam luce **Tuâ** carere, Curulem tibi sellam iustissimâ benignitate obtulit, ac inter Illustris. Poloniae Proceres Podoliensi Insulâ redimitum singulari Reipublicae bono collocavit. Eluxit igitur in Podolico illo sole cum virtutum cæterarum, tum verò religionis pietatisque **Tuæ** lumen eximium, atque ita eluxit, ut radios inde usque in sacra Premetensis Cænobii adyta insigni Patrum illorum commodo ejacularetur, quem **Tv** quidem locum, & paternae planè administrationis disciplinâ instaurâsti, & egregiae sanctitatis exemplis felicissimè illustrâsti.

Suspexit verò, sibi que cum primis gratulata Premisla est **Te** Episcopum dicam, an potius Parentem? quæ quam felicem se viderat, cum **Te** haberet, tam hodie **Tvo** mœret discessu, quanquam profectò queri iure non potest. Virtutes enim meritaque **Tua** in eam amplitudinem auctu felici jam excreverant, ut solum illud capere **Te** ne utiquequam posset. Quare Posnania **Te** supplex accipit, vel potius læta se **Tibi** tradit, atque ad paternos pedes tuos provoluta, pietatis **Tuæ** ut ante admirata est, ita nunc veneratur Majestatem, seque fortunatam judicat, quòd, cum eo Præsule orbetur, cuius insigni religione iram offensi Numinis flecti suppliciaque cœlitus aut immissa, aut intentata mitigari non injuriâ credebat, **Te** interea Antistes Illustris. quasi divinitus missum patronum, pastorem, parentem, habere se animadvertat. Sperat enim cœlestes iras, quas Magni Lubieni moderata pietas est, Magni Novodvorfcii sanctimoniâ tandem amoliendas.

Absit verò ut temerè in eam spem videamur esse devoluti, cum ambigi minimè possit, non salutaribus solum tuis consiliis, sed voris etiam sacrificijsque, postremam illam de Moschis victoriam, cuius ubere fructu fruitur adhuc Polonia constitisse. Chocimensis verò laureæ non minimam profectò partem **Tvæ** pietati deberi, quàm meritò, tam
confi-

confidenter confirmamus, cuius & præsentia, & faustis appreciationibus prima illa castra Illustrissimi Domini Stanislai Lubomirski Palatini Russiæ felicibus auspicijs Osmanico furori opponenda fuere consecrata. Dici equidem non potest quæ fuerit tum exercitus illius alacritas, quæ centuriorum militumque pietas, quâ Aquilas signaque & consecranda Tuis pedibus subiiciebant, & referebant consecrata, quæ Tu quidem non aquis solum lustralibus, verum etiam lacrymis aspereras, lacrymis videlicet precibusque sanguinem TVORVM redempturus. Equidem eam tum in omnium animis pietatem accenderas Antistes Optime, ut non multi sanè essent, qui non aut fletu, aut pio saltem animi sensu illam signorum dedicationem spectarent. Vexilla profecto ipsa lustrantis religione freta, hostem deposcere, ipsi Cadeievienfes campi gestire quodammodo Tvâ præsentia, victoriamque prælagire videbantur, idque eventu, ut videmus, sanè quàm secundo, cum exploratum sit, tam frequentibus prælijs signa manibus TVIS initiata nunquam nisi victricia rediisse.

Hæc nos paucula de Tvâ in numen æternum religione, animo bono, fide optimâ retulimus, nam plura dici mira moderatissimi animi Tui verecundia vetat: alioqui finem vix inveniret Oratio nostra, quia dicendi modum excedit pietas TUA, quæ ita TE cœlo adstrinxit, ut minimum id arbitrèrè, si summo illi Bono solus inhærescas, nec plerosque ad eundem fontem vel ducas volentes, vel trahas invitos, & tamen non minus qui trahuntur, quàm qui ducuntur paternum TUUM pectus, manumque (liceat ira loqui) maternam experiuntur. Atque hoc quidem vel maximum argumentum est, quo TUUM in DEUM animum cœlo terræque testari perseveras. Tametsi enim per multa indicia sint, quibus a mor se divinus prodere consuevit, plurima pateant spiramenta, quibus flamma illa erumpit; nihil tamen est, quod liquidius sanctitudinis splendorem patefaciat, quàm ardens, & quale in TE est divini honoris alienæque probitatis studium. Quod cum tam abundè TIBI suppetat, vix expediat reliquas animi Tui dotes percensere. Nihil enim virtutis est, quod non in fervidâ reconditū sit pietate, sine quâ nec æquitas iusta, nec sapiens prudentia, nec firmitas constans, nec moderata temperantia, nec vita hominis videtur esse humana.

Neque est, quod livor insusurret novi aut magni nihil esse, si Præsulis laudes à pietate ducantur, quæ turpius à sacerdote deferitur, quàm colitur laudabilius. Enimverò vel eo nomine laudatissimū TE fateamur oportet, quòd eâ re tantopere abundes, quæ ad tam sublime nomē cum dignitate sustinendum adeò conducatur: deinde pium TE nequaquam Episcopatus fecit, sed invenit, neque cum Infulâ virtutem eam recepisti, sed Infulam coronasti. Denique ne quid invidiæ relinquatur,

non solâ pietate, tametsi virtutum omnium sit compendium **Fasciæ**
Tuæ splendorem metimur. Spectat insigne cum doctrinæ consiliq; **Tui**
lumen amplissima Regni Poloniae Curia, fructusq; sapientiae **Tuæ**
patria capit uberrimos, quos tot legationibus egregiè obitis, tot nego-
tius publicæ salutis causâ, & susceptis animosissimè, & confectis sapien-
tissimè attulisti. De æquitate, jurisq; ac legum constantissimo studio,
nihil referimus, perspexit id toties summum Regni hujus Tribunal,
quod maximâ non prudentiæ minus, quàm justitiæ laude illustrâsti,
quoties judicâsti. Quid verò invicto **Tuo** pectore solidius, quod nec
inimicitiarum denunciatione, nec malevolentiae obrectatione, nec vi-
ullâ à recto potuit unquam dimoveri? Quid integritate **Tua** virginali-
q; illâ animi puritate limpidius, cum vel eo solo nomine sacrum id o-
raculum de **Te** accipit possi, quo Angelus Domini Exercituum nun-
cupatur, qui sacerdotio ritè fungitur. Confirmat judicium nostrum
singularis victus **Tui** moderatio, ac Dei virtutisq; causâ sponte fre-
quentata inedia, ut qui mensæ **Tuæ** munificentiam videat, egregiè da-
psilem **Te**, qui verò **Te** ipsum consideret, eximium exemplar habeat ab-
stinentiæ. De gravitate porro **Tua** atq; auctoritate dignâ Senatore, di-
gnâ Sacerdote, dignâ Pontifice quid est quod dicamus? Oculis hic suis
quisque credat potius, quàm dictis alienis. Ita enim comi facilitate
plenam venerationis maturitatem moderaris, ut, & qui **Te** amant, reve-
reantur, & quos suapte conscientia timere cogit, non **Te** possint non
diligere. Inde profectum est, quod nescio an alteri cuiquam præter **Te**
concessum sit, ut cum prudentissimâ Senatoriâq; Orationis libertate
ubique patrocineris veritati, nulla inde tamen, apud eos præsertim,
quorum respicienda potentia fuerat, odij invidiæq; **Tibi** afflata un-
quam suspicio sit. Fitq; in **Te** admirabili quodam modo, ut veritas
pulchra illa quidem, at prole deformi (quod odium dicimus) damna-
ta, amorem **Tibi**, auctoritatem, fidem, felicissimo partu progeneret. Ita-
que & invidiam dum contemnis, extinguis; & eò veritate Duce pro-
veheris, quo pleriq; per veri dissimulationem aspirare possunt, per-
venire nisi pauci non possunt.

Quia verò facta metuo veritatis est, timere cœpimus ne nobis non
odium quidem apud **Te**, aliquâ tamen offensusculæ pareret molestiâ,
quibus paucula hæc de virtutibus **Tuis** verba veritas extorsit; non
quòd veritatem **Tibi** unquam displicere posse credamus, at quia lau-
dum **Tuarum** mentio, eum **Tibi** elicit ruborem, quem vix multis obje-
cta vitia excuterent. At equidem debitum hoc virtutibus **Tuis** pen-
sum minimè negari potuit, nec digni essemus de cæteris rebus **Tuis**
verbum afferre, si id taceremus, quo **Tu** in **Te** ipso verè magnus es, verè
illustris. Quod si nè sic quidem excusari nostra laudatio potest, **Tua** nos
Fasciâ

Fasciâ tuemur, cui ea Tu virtutum ornamenta intexuisti, quæ ut dicendo exprimi non possunt, ita tacendo cæleri non debent, Certè enim in hac causâ vel Te iudice tantò facilior victoria nostra est, quantò agere laudanda, quàm laudare difficilius. Nos enim narramus Tu fecisti, nos legimus, Tu inscripsisti nos laudamus, Tu præclare egisti, & ut laudamus, Tu meritis Tuis effecisti. Itaque non tam veniam poscimus, quòd aliquid dixerimus, quàm quod è tantâ copiâ tam pauca delibaverimus.

Nec de munificentia sanè Tuâ nos loquemur, loquitur id satis, & magnis impendiis conditum, & pijs doctisque viris abundè instructum Lomzenſe Societatis JESU Collegium, quod quidem ardentis in DEUM pietatis, effusæ in viros religiosos beneficentiæ, propensi in bonas artes studii æternum jussisti stare monumentum. Non erunt profectò ingratae Musæ, quæ non prius à celebrandis Tuis laudibus destiterint, quàm evaserint elingues. Et esto, tacerent Musæ; at parietes equidem ipsi, saxa ipsa, unde amplissimæ illæ, tum honori Divino, tum rei literariæ dicatæ substructiones constiterunt, & eximiam Tuam pietatem, & piissimam liberalitatem universæ posteritati deprædicabunt. Prædicamus & nos pro nostrâ tenuitate amplissima Virtutum TUARUM gesta, quorum non elenchum numerando teximus, sed id quod FASCIA TUA adstringit debito observantiæ amorisque testificatione indicamus. Verum enim vero, quemadmodum è Gygantis pollice, quem satyri cubitis metirentur, vastam reliqui corporis molem Græcus pictor coniiciendam proposuerat, vel è stadio Herculeo proceritatem granditatemq; Herculis, Italicæ Philosophiæ princeps assecutus est: ita è paucis quæ retulimus; in tuæ magnitudinis, gestorumque cognitionem venire quisque facillè potest. Quanquam satis citra cujusquam prædicationem per se patent virtutes tuæ nec, quod ajunt, Curionis egent. Nihil est virtute facundius, quæ etiam dum tacet, non tam auribus, quàm oculis, & multo magis animis tantò clariùs loquitur, quantò magis de se conticescit, tot Oratores efficit, quot habet spectatores.

Illud hîc minimè tacendum est sextam Ecclesiæ Posnaniensî FASCIAM, & tuam quidem tertio divinitus esse impositam; à nullâ tamen plura majoraque bona optabant Majores, quàm à TE & speret & expectet Posnania, haud dubiè receptura. Id enim clarissima vitæ sanctimonia, id prudentiæ singularis solertia, id virtutum omnium ardens ac indefessum studium, id demum paternus, & si quid amantius dici potest, in tuos animus pollicetur. Desiperet certè qui tot testibus non crederet. Verùm reliquas TUAS virtutes officioso juxta ac pio venerati silentio, ea quæ de TE diximus, duobus maximis ornamentis volumus esse consignata, ea sunt, Fidele constansque in principem

Stu-

itulum, & Perpetua atque ardens in patriam pietas; tametsi si Princeps est, qualem immortalis Dei beneficio habet Polonia, unicus idemque in Principem & in patriam amor est, ut odisse Patriam dicendus sit, qui talem non amet Principem. Qui quidem amor ita tuus est, nisi forte commodius dictu sit, ita tu amoris es, ut magnificentissimum pectus tuum ara quædam pietatis jure possit appellari, in qua tu labores, vigilas, sudores, curas, industriam, vitam denique ipsam Patriæ Principique immolasti, neque id sacrum prius intermittere velis, quam vivere. Tota equidem vita tua recensenda foret, si omnia ejus amoris pietatisque specimina essent proferenda. Instar omnium sit cura illa, quæ tu Serenissimi Principis Wladislai Moschos gloriosè ac feliciter profligantis incolumitati & studuisti & deseruisti. Dederat in oras illas Rex Serenissimus quicquid carissimi habuerat. Dederat Polonia, quicquid secundum Regem optimum, cum Serenissimum & gloriosissimum Wladislaum dederat. Tutam quidem Rempublicam tum Principis virtus, tum causæ æquitas faciebat, & securam etiam reddebat, quod Principi tu Præsul Magne adesses. Agebat Princeps gloriosus, ne patria hostem timeret, faciebas tu ne timeret Principi, à cuius tu latere nusquam discedebas. Eadem itaque operâ & Regi potentissimo & patriæ præclarissimè gratificatus es, cum preciosissimū illud Reipublicæ pignus illam sceptri Sarmatici spem, illam denique Poloniæ vitam fidelissimis consilijs inter cæteros amplissimos viros ejusdem negotij administratos egregiè fovisti. Quæ quidem re æternum tibi Optimum Sapientissimumque Principem, & Regni totius animos obligasti, ut quemadmodum Fascia tua virtutum omnium vinculum est, ita debeat esse & animorum, nihiloque remissius quam Herculis Gallici lingua corda trahat mortaliū. Traxit verò trahitque non linguas modò manusque, sed animos nostros ad te, digna Pontifice virtus tua, quæ non idèo minor est, quòd tam multos piissimos sapientissimosque Antistites habeat Polonia.

Neque enim idèo aurora obscura est, quòd alia quoque sydera fulgeant, sed eò illustrior, quòd inter tot tamque varia coeli lumina, lucem integram obtineat: ita virtutum tuarum claritudo, eò admirabilior est, quòd inter tot coeli Polonici sydera in eum te locum deus & virtus felici sanè motu provexerunt, cui ad summam excelsum vix unus superesse videatur gradus. Verum honores quidem tuos paullò post spectabimus, nunc Honoris matrem Virtutem admiramur, quæ tu Gentilem Fasciam sic illustrasti, ut non minùs à te uno quam à reliquis, quos, inquam, cinxerit, vel acceperit, vel acceptura sit splendoris. Unum illud in tantâ virtutum tuarum gloriâ metuendum est, ne quemadmodum de Philippo puer Alexander questus est, ita tecum posteritas tandem expostulet, quòd ei nihil ferè reliqueris, unde novi aliquid ornamenti Fasciæ inserat, cumque potentissimum imitandi te campum aperueris, assequendi certè omnem ferè facultatem præcidisse vidère. Cæterum satis gloriæ posteritas adeptam se existimet, si pulcherrimam, tot virtutum sanctimoniamque hæreditatem eâ solertia tueatur, quæ tu paravisti, eâ sedulitate conservet quæ tu reliquisti.

HVMANÆ LÆTITIÆ
COMITEM, AC
INTERPRETEM CAN-
TVM HVMANA FECIT VEL NATV-
RA VEL CONSVETUDO ANTIS-
TES AMPLISSIME; NOS ENIM GAUDII
NOSTRI TESTEM OPTAMUS.

QVIA VERO VIRTVTVM CONCEN-
tu nihil suavius, TVAS virtutes canimus, vel potiùs vir-
tutes canentes producimus.

Audi & fave, eo animo, quo & Tv soles,
& virtutes Tvæ meren-
tur.



THE
COMMITTEE

OF THE
GENERAL ASSEMBLY
OF THE STATE OF NEW YORK
IN SENATE
JANUARY 1871

REPORT
OF THE





RELIGIO.

Propè DEVS est, tecum est, intus est. Sacer intra nos
Spiritus sedet bonorum malorumq; nostrorum obser-
uator & custos. Hic prout à nobis tractatur, ita & nos
tractat ipse. Bonus vir verò sine Deo nemo est. *Senec.*
ad Lucil.



Nata mihi RELIGIO polo
Quam nuper ortis cœlisibus Pater
Laci quæ victura auspiciatam
Et comitem dedit & gemellam.
Tu prima Sanctum Numinis alites
Subire vultum cœligenas doces,
Nulliq; conspectum creatis
Luminibus referas Tonantem
Per te quierunt sydera civico
Succussa motu, per te Aquilonius.
Grex pulsus astris, flammeasquæ
Impietas tremuit rudentes.
Tibi beata limina regia
Ultrò patefcunt, tu sine nunciis
Prendis penetral, nil morata
Ætherei propylæa Regis.
Tu deinde terris missa jacentibus
Lectas caducâ gente colonias
Transcribis astris, & lubenti
Corda DEO moritura neclis.
Neclis, sed ecquis letitior in tua
Is vincla, cujus brachia suavius
Divinitati destinata
Ambrosiis cohibes catenis
Quam Fasciati pectora Prasulis?
Quem Posna tandem lata patrem capis,
Magnaquæ virtuti dicatum
Ægra caput diadema poscis.
Tibi ille notas Syderibus manus
Tibi ille rori lumina gemmeo
Assueta, cœlestisquæ lingua
Neclareiquæ dicavisoris
Promptus labores mancipio tuus,
Tuusquæ nexu Prasul, at enthea

Non tam pii mentis recessus,
 Quam pietas meruere dici.
 Sensit Borao frigore torridus
 Flammata Patris corda Borysthenes,
 Pronusque cervicem subactam
 Lechiaca dedit aequitati.
 Sensit POLONYs prodiga sanguinis
 Celeste pectus Dacia Praefulus,
 Dum luctuosos dira Thraca
 Sarmatia properaret ignes.
 At voto ADAMVS supplice barbaras
 Præcepit ausus, vota que Bissonum
 Largosque flamma jam imminenti
 Ex oculis properavit imbres.
 Libet fateri. Vidimus vuido
 Manare vultus imbre, Pater, tuos,
 Cum signa lustrares Polona,
 Osmania metuenda Luna.
 Sic tum cruentis pota furoribus
 Cessit Polonæ trux Hecate alisi:
 At illius pars magna palma
 Pontificis pietate crevit.
 O nata mihi, Religio, polo
 Quam lata cresces Posniaca solo,
 Cum per NOVODVORSCI labores,
 Alma polus tibi Posna fiet?

PRVDENTIA.

Si prudentia una adsit, jam continuo cum ea reliquæ virtutes aderunt. *Arist. lib. 2. Mag. Moral.*

Te, qui raptum Themidos Salubri
 Dexterâ clavum datis in proterua
 Jura fortuna, Dominâ moventes
 Sorte phasellum
 Ite, non vestris canit apta vates
 Auribus, nil hinc Dea vestra carpet
 Dux Themis vita, malefida sortis
 Regna facessant.
 Dux Themis vita, sapientioris
 Consiliâ Mater, soror aequitatis,
 Hac Novoduorsci sapientis altam
 Temperat Argo.
 Quæ nec objectas tremuit Charybdes
 Quas furor lamina rotat aggeranda,
 Nec superlata fremebunda Scylla
 Palluit ora.

Hæc

Hâc gubernâclum moderante Præsul,
Non quidem Colcho rutilantis auro
Vellus ævectum pecudis Poloniis

Insulit oris.

Non Erythraam peregrinus ætæn
Visit, aut pietos penetravit Indos,
Non Hydaspæa patrios opimat

Merca Penates

Hæc ferant, quas fors moderat carina
Merx Novoduorsci rate digna, dives
Consili pectus, sapientiaque

Copia vivax.

Hæc pius Præsul vehit, his ADAMVS
Lechicum Gazis opulentat orbem,
His ebur triplex meruit, sacraque

Jura tiara

Quotquot optatos senuere iussa
Curia fines, ea vel sagaci
Calculo iuvit sapiens, vel ultro

Condidit Auctor

Nec deest tantis opibus fidei
Promus, & nullo reprimendus auro
Sermo celesti vigilat altus

Vbere Suada.

Sive Patronam morientis equi
Fas petat lucem, vibrat expeditum
Lumen, & verum generosa pandit

Lingua redusum.

Seu manum leges medicam reposcant
Saucia, præsto est medicina Patris,
At cataphractæ trepidant Tonantis

Fulmina noxa.

Facet hybernas Ithaci procellas
Rex Poetarum Pyliæque lingua
Mella delibet, stupeatque natum

Thestore pectus.

Nos Novoduorsci sapientis ora,
Nos Novoduorsci genius diserti
Detinet, præ quo nihil alma Graiis

Invidet Arctos.

Nestor & Calchas, & Vlysis ardens
Vis, Novoduorsci coire corde:
En quot heroas, quot opes Adami

Devehit Argo!

Tot sua gazas vehit ille Posna,
Addit & vectis diadema gazis,
Si fides vati superest, ut urbs hæc

Sceptra capeffat.

I V S T I T I A.

Fundamentum est perpetuæ commendationis &
famæ justitia, sine quâ nihil potest esse laudabile.

M. Cic: l. off.



*Imani rectrix generis Dea, Præstes aquitatis
 Posnania manibus propinquat.
 Urbem Posniade recludite; cælitum propago
 Astræa vestros expetit Penates.
 Turritis ornet frons civica mænium coronas.
 Astræa præsto est; sospes urbs triumphet.
 Palladius vernent ramis foralibus repulsis.
 Astræa dextris civium maritat.
 Lara triumphali stet curia laureata fronde,
 Astræa vestras Dux reget curules.
 Hac vestri currus Antistitis antecit sereno
 Peraqua cælo tot corusca flammis;
 Quot rotat innubis nox sydera, cum solo silenti;
 Sparsim quietos dividit sopores. (gas
 Tot comitata bonis SACRI DEA PRINCIPIS, quadri-
 Ductat beatam redditura Posnam.
 Non ea Lemniaco præfulgida fulgurat mucrone,
 Datura nimbos spontici cruoris.
 Non ea lethiferum carmen tonat ore fulminante,
 I licitor, acres expedi secures.
 Verum sydereum miti caput impedita olivâ,
 Promittit almam, præparatquæ pacem.
 Sceptra Atlantei fert virgine dextrâ nepotis
 Falli sinistrâ nesciam bilancem,
 Hac quicquid vecors injuria dempsit aquitati,
 Equare pulsus præpotest querelâ.
 At scepteris quicquid discordia cruda disparavit,
 Citra protervos sarciet tumultus.
 Diffugient trepido fraudes pede, fraudibusquæ sati
 Sinonis ausus, aureaque pestes.
 Non stabit venale nefus, neque publicum tribunal
 Vvescet imbri lacrymæ innocentis.
 Sanescens læsi juris mala, sauciasquæ leges
 Novoduoruscæ Fascia alligabit
 Fascia Posniaci lacrymas gregis aquitate terget
 Fovebit ipsam Fascia aquitatem.
 Hac vatem sperare jubet bona, non sinister oscen,
 Non auspicata præpetis volatus
 Totum hic augurium virtus habet inclyta, atq; votum
 Intaminata pectus aquitari,
 Pectus sydereis prænobile dotibus, sereni
 Imago olympi, sanctitatis ara.*

Illis syderibus presagia nostra devocantur
 Illa illa nostrum firmat omen ara.
 Tam justum, tam propositi capis optima tenacem,
 O Posna fato nobilis, parentem.
 Illum justitiae quondam reus obstupefcat, illum
 Miretur ardor Thuryj cruoris.
 Sed neque Roma nimis placeat sibi tetrico Catone,
 Nec jactet aequum fasque Regulorum:
 Horum nemo equus venia sine nemo, quin Cato ipse
 Censore justus non erit Catone.
 Iustitiam spectat qui Praefulus, absque nube solem,
 Formamque iniquo spectat absque nervo.
 Hoc summus Lechia censor videt, hoc Patres fatentur.
 Hoc Posna iusto predicabis ore.

FORTITUDO.

Fortitudo est munimentum humanae imbecillitatis inexpugnabile, quod qui circumdedit sibi securus in hac vitae obsidione perdurat, Seneca. Epist. 114.

Non qui nitrato vertit urbes fulmine
 Aerias humili
 Arces recondens rudere,
 Non qui cruore stagnat agros hostico,
 Bistoriusque feroc
 Ex ossibus montes struit,
 Non quem catenis pragraves Reges vehunt,
 Dum repetit patriam
 Censum potitus urbium.
 Non ille fortis, si subacti pectoris
 Ferrea jura tenet
 Effrenis impotentia.
 Quid namque subjugare prosit barbaros
 Si misere vitis
 Mens victa sub iugo gemat?
 Quid astuoso Danubi patria iuvas
 Cludere Regna sinu
 Dum cor premunt angustia?
 Fortem vocabo, qui triumphato potest
 Indere prolubio,
 Plaudente caelo, compedes.
 Fortem vocabo, cui potens nunquam nefas
 Aut animum rapuit,
 Aut intulit linguarium.
 Quot magna tales sarmatis capiat viros,
 Haud numerare libet;
 Sed rite vates dixeris

E PLVRIMIS EST VNVS, ET PRO PLVRIMIS
PRÆSVL ADAM, CVI NVNC
POSNEA CESSIT INFVLA.

Non ille victas induit fateor feras,
Nec patulum Hesperiiis
Mundum columinis terminat:
Non ille fines urget armis Indicos,
Omniâque imperio
Parere cogit unius.
Quamquam nec armis laureâ partâ vacat,
Quam capit è patriis
Praclarus heres praliis.
Profectus ultra est, proquæ Mavortis feri
Pulvere sanguineo,
Nova theatrum gloria
Felix in alto dedicavit pectore,
Ducit ubi celebres
Virtus triumphos mascula.
Ducit triumphos, non quidem Plebeij
Quos stupeant oculi;
At quos senatus cœlitum
Miretur. Huc spectator assurgit DEVS,
Dum spoliū ipse sibi est,
Victore victus fortior.
Hac fortitudo est, hac polo spectacula
Apparat, atque solo
Præsul NOVODVORSCIVS
Hic si labores aquitas, si ius labet,
Nulla pericla pavet,
Nulla relanquet gratia.
Pecuniosa si furunt injuriæ.
Per medios cuneos
Seu ferreos, seu Chryseos
Lingua arma victor explicat. si veritas
Nutet, opemquæ petat,
Hoc fulciente non cadit.
Incumbe tutò Posna tanto Præsuli,
Hac, mihi crede, basis
Nullo fatiscet pondere.

TEMPERANTIA.

Nihil est tam præclarum tamquæ magnificum, quod
non moderatione temperari desideret. Val. Max.

Qualis fyderei Patris
Fœcundâ steterat consita dexterâ,
Vitali Elysias parturiens fronde opulentias
Arbos, quâ novus incolâ


Eoi nemoris jura minacia
 Clothus, & senii sollicitum defugeret gelu;
 Nil ille hortus amanius,
 Nil virgo tulerat terra suavius,
 Nil optasset Adam, nil soboles tota salubrius
 Tali, quamlibet exulis
 Exul possit Ada posteritas frui
 Pomo; si placida jura velit Sophrosynes pati.
 Hac miti moderamine
 Si vitam facilem flectit, & inquires
 Pectus composita ferre docet frana cupidine:
 Pax praeulcis, & aurea
 Tranquilla exoritur mente serenitas,
 Cui uix innocui distet Ada uita beator.
 Quod si guttur Apitium,
 Insanaque gula feda negotia
 Morborum segetem progenerant corpore turgido,
 Et fati accelerant vias
 Defendit querulam corporibus lucem,
 Et uita ante diem lenta uetat figere terminum
 Vita frux moderatio.
 Hanc si primigenius nosset Adam arborem
 Vana essent hodie luctifica regna Proserpina,
 At quod tum Paradiso
 (Securo ah nimium) defuerat Patri
 Hac o Posna tuofertiliter suppeditant ADÆ,
 Cujus pectus amabile
 Egressum patriam fulminum, & imbrium,
 Caelestis dominâ mente refert pacis imaginem.
 Quod si Praesulis optimi
 Demensum videas parcaque corporis
 Neglecti studia, & dapsilibus quanta tricliniis
 Intercedat Apastia
 Illum aut Sophrosynes progeniem voces,
 Aut possis potius Sophrosynes dicere nomine,
 Cujus mensa colat quidem
 Leges patricia munificentia;
 Ipsum at Pontificem lege putes vivere Fanniâ.
 Hinc vultu roseus pudor
 Hinc candent animo virginica nives,
 Hinc illasa nitent Angelico pectore lilia;
 Tantas inter opes tamen
 Grandis nulla tumet struma supercili:
 Sed comis pietas diuitias praelegit abditas.
 Immensis Bone Pontifex
 Virtutum tua mens fructibus uberat,
 Mens nil Elysiis inuideat qua uiridariis
 Dotes: at reliquas super
 Vita arbor veluti stat Moderatio,
 Qua quamuis tetrico non senium sanguine detrahat,

*Nec lethum penitus fuget:
 Et lenire tamen certa molestias,
 Et vita vitrea substituet secla adamantina.
 Hos fructus capies, Pater
 Postquam stellifero redditus atheri
 Inter Pontifices despicies sydera cœlites
 At nunc carpe tua arbore
 Annos incolumes, canitiem levem
 Et vita saturum promeritis tempus honoribus.*

VIRTVTVM CORONIS.

Qui vigilēs oculos numeret, quēis sole remoto
 Cernula sopitum despicit æthra solum.
 Qui putet, Eoa quot ditent æquora bacca,
 Quot rubra purpureas acta ministret opes.
 Qui sciat Elysi quot surgunt germina veris,
 Lilia mellitus quot Paradisus alat.
 Ille tuas Prasul virtutes deputet, ille
 Audeat augusta dicere mentis opes.
 Sydera Prasul habes nullius conscia noctis,
 Sydera quæ lucem non aliunde petunt.
 Tot mens athereis opulescit fulgida gemmis,
 Quot niger in fuscis non legit Indus aquis.
 Elysios sacris imitari moribus hortos,
 Semper, Adame, tuum hunc tu Paradisum habes.
 Omnia dinumerent, qui dicere singula possunt
 Hunc infra censum nostra Camæna stetit.
 Sat fuerit nobis gestorum prodere fontes.
 Vnde fluit vitæ laus, meritumquæ tuæ.
 Si cecinisse minus culpa est, ignoscere debes.
 Nam culpa nostra hic, non nisi dimidium est.
 Scilicet elingues fecit tua adorea Musas,
 Par meritisquæ tuis nulla Aganippis erit.
 Verum, quicquid id est, tantas Pater inclyte, laudes
 Nos mirari, alias denumerare iunct.





FAS-
CIA NOVVO-
DVVORSCIA-
NI HONO-
RIS.



BY THE

JOHN W. BAKER

OF THE

STATE OF





NOVODVORSCIANO HONORI SACRVM.



*Vnum tot sacræ caput ambiuere tiaræ
Nempe sacer nusquam pulchrius hæsit honor.*



Virtus uberrimum alimentum est honos. *Val. Max.*
lib. 2. tit. de Institut. antiq.


Eximiam virtutem spontè suum sequitur decus.
Nec ulla speciosior statua, quàm honorifica be-
nè actæ vitæ memoria. *Plutarch. in Apophteg.*

Virtus extollit hominem, & supra astra collocat,
nec ea, quæ bona, aut mala vocantur, aut cupit
nimis aut expavescit. *Senec. Epist. 88.*



HONO.

HONORIS NOVODVOR- SCIANI DIADEMA EX ERVDITORVM MONVMENTIS DEPROMPTVM.

uo consilio virtutem pro vestibulo honoris excubare voluerunt sapientes Romani Illustris. Antistes, cum & autore Q. Fabio, & instauratore M. Marcello utriusque Numinis ædes, ita junxerant, ut Honoris templum nemo ingredi nisi per ædem Virtutis posset: eodem & nos à virtutum TUARUM Diademate ad HONORIS FASCIAM oculos animosquè traducimus. Nihil enim iustius fieri potuisse censemus, quàm honores amplissimos TVIS copulari virtutibus, quando eò evasisti, ut quò pergeres non esset, nisi aut ad cœlum, aut ad honores. Sed enim in cœlum nemo serò venit, ubi æternum acturus est, patriæ verò sanè quàm opus es, in qua habitare dignius non potes, quàm in Honoris templo, neque coronari decentius, quàm Diademate Honoris. Atque ut ei mittamus, quæ ad contexendam nobilitatis Fasciam allata sunt, potentissimæ gentes tantùm Fasciæ seculis omnibus tribuerunt, ut tamen si honorati capitis alia atque alia ornamenta esse paterentur, ea tamen nunquam satis digna regibus judicarent, nisi Fasciâ devincirentur. Sic Macedonum Causias, ut essent Regiæ, Fascia prætexi opus erat, (ut patam est ex Polluce.) sic regias Persarum Cydæres, cærulea Fascia albo distincta, interdum candidis illustrata stellis circuibat, ut autor est lib. 3. Curtius. Nec alium Cyro Majori cultum tribuit Xenophon lib. 8. Pædiæ Cyri, quem ait Diadema unà cum Tiarâ habuisse. Tiara enim & Cydæris idem est juxta Brisson. lib. Reg. Persi. 2. At equidem nunquâ tantum barbaricæ illæ tæniæ Tiaris, Cydaribus Causiis & Cyrbesiis ornamentis addiderant, quantum Regni Poloniæ Coronæ FASCIA NOVODVORSCIANA visa semper est attulisse. Amplitudo Senatus Poloni Corona Patriæ est, quæ nunquam ferè Fascia Novoduorsciana caruit, ut nequaquam mirum sit, si augustissimum Poloniæ caput Serenissimus Rex SIGISMUNDUS, nova hac honoris TIBI delati accessione, tam vicinum sibi ac pœne continuum TVVM voluerit esse Diadema.

Neque solùm in capite Regio sed ubivis locorum Majestatem honoresquè suos Fascia retinebat. Eumenes enim, si Æmilio Probo creditur, consilia publica haud aliter agere solebat, quàm Alexandri Fascia in solio deposita, ut quia Alexandrum fata interceperant, Alexandri Fascia vicariam afferret consilio majestatem. Factum idem jam ante Roma adhuc infans viderat, cum Romulus quoties jus diceret, solium sibi adstitui jubebat, in quo Remi fratris Diadema positum locum Re-

cum Remi obtineret, ut non in scitè summus Poëta scripserit, Remum (etiam morte sublatum) cum fratre Quirino jura dare. Meminit facti Ludovicus de la Cerda Magni Poëtæ magnus Scholiastes. O quæ in vota nos ducunt res relatæ Antistes Illustrissime, æquè quidem illa & Tuis debita virtutibus; verum ea uni Tibi quem nihil celatum volumus innuimus, optamus, quod & Tu Te optas, Poloniæ solium nunquam videre viduum, sed immortalem in eo considerare, qui in eo meruit immortalitatem. Vovemus item vigilantissimum Polonici sceptri custodem, nunquam in eum connivere somnum, qui nisi ruente mundo excuti non possit; si tamen fata hîc æternitatem denegent promeritam, optandum esse ducimus, vel Fasciam Tuam in illo folio, vel illud Diadema in Tva purpurâ collocari.

Neque verò ita Regum propria fuit Fascia, quin Sacerdotiis etiâ deberetur. Nam præterquam, quod qui Reges olim, iidem ferè sacerdotes fuerant, ut de Rege Anio divina Æneis; de Romanorum Regibus Dionysius Halicarnass. lib. 2. de Palestinis Xiphilinus; de Hebræis Justinus lib. 36. de Ægyptiis Plutarchus perhibent, an quod justiori illi ævo ea sacerdotii videretur esse auctoritas, quæ à nemine dignius, quàm à Rege sustineri posset: an quòd Regiæ dignitati splendoris plurimum sacrum illud munus esset allaturum; ideoquè eodem tam gloriosi capitis vinculo utramque dignitatem & devinxerat & ornaverat. Hinc in admirationem prædicationemquè ducimur divinæ providentiæ, cuius numine nec alia Tibi gens, nec alud genti Tvæ insigne obtigit quàm Diadema. Hoc enim debebatur Tibi qui per Majores Tuos magnus Comes & Princeps, per virtutes Tvas Magnus Senator & Pontifex eras futurus.

At enim aliò etiam adeoque minùs illustri ortu Deus Te proficisci voluisset: nihilo tamen minori jure honoris sibi Fascia celsisset. Plutarchus quippe Antistitis Hebræi mitram admodum geminam similemquè Diademati seu Fasciæ fuisse lib. 4. Sympos. Quæ. 7. adnotavit, adeoque notatore Servio Grammatico, Infula planè Fascia erat Diadematis instar, unde vittæ utrinque penderent, & Segimundum sacerdotio se abdicare volentem, apud aram Vbiorum vittas rupisse, cum iisque sacrum munus repudiasse primo Annal. lib. Tacit: prodidit. Verùm certiùs nihil afferri ad rem potest, quàm legum divinarum monumenta, unde constat præcipuè ex Exodi Leviticiquè libris Fasciam ornamentum seu operimentum sacrorum caputum, idquè lineum seu byssinum perfectissimi candoris fuisse. Proinde verba tantummodo Cornelii à Lapide magni divinatorum oraculorum interpretis subteximus, unde liquere possit, quid de Tuis honoribus sentiamus, quid dicere voluerimus. Ait ille in 6. Zacha: caput folio 240. Corona est insigne & stemma

Itemma Pontificis æque ac regis, quia uterque est quasi Deus quidam
terrestris in summo dignitatis æque ac regiminis culmine collocatus:
nec refert coronam dici, cum Regum corona etiam temporibus Zacha-
ria plerumque Fascia candida fuerit.

Sed quid foris ista conquirimus, hanc ipsam Novoduoriscianam Fasciam
tam multos Pontifices redimitos spectavit Polonia, ut verè Fascia Pon-
tificum dici posset, nisi eam tot viri Principes, tot Senatores, tot Heroës,
qui extra sacerdotium restiterant, sibi quoque vindicarent. Adeò verò
hic sacrosancti capitis ornatus placuit antiquis, ut non modo Sacerdo-
tes, sed ipsas etiam victimas, fasciis vittisque coronatas ad sacrificium
adducerent, quod e Magno Marone 2 Æneid. constat: quin aras quo-
que templaque fasciis incingi solita minimè diluta Scriptorum aucto-
ritas probat. Videmus & nos hodie rebus sacris novum quendam
splendorem à Novoduoriscianam Fasciam accessisse: ita ipsa altarium saxa,
ipsi templorum parietes gestire quodammodo videntur, ac desidera-
re, non solum Tuam Antistes Amplissime pietate illustrari, sed ipsas quo-
que Fasciæ Tuæ imagines præferre. Quid porro de grege, quem tuen-
dum suscepisti dicemus, quam latus ille Fasciæ Tuæ ornamento coro-
natus, aeterno se numini placitum confidit, nisi fortè Te ipsum san-
ctissimam putemus victimam, quæ pro divini honoris propagatione,
pro patriæ incolumitate, pro populi salute, in tertiâ jam pontificii mu-
neris ara, jugi solliciti laboris flammâ deflagret.

Tantus Fasciæ in sacris honor: at quantus quodusque ad divi-
num verticem hominum suffragio provecta sit. Certum est enim ex
Trojani belli scriptore Apollinis insigne fuisse candidam cum lauro
Fasciam. Certum est è Satyrico Aquinate suas Cereri vittas fuisse; Cer-
tum ex Virgilio Fasciam Palladem evinctam, certum è Gyrardo, Liberum
Patrem Fasciam nunquam caruisse; certum è Plutarcho & Joanne Pierio
Isidem & Osiridem magna Ægyptiorum numina tæniis fuisse coronata:
Sed ne superstitionibus veterum honorem Fasciæ Tuae illustrare velle
videamur, summus ille Optimusque rerum conditor eandem Fasciam
dignitatem non solum à superstitione vindicare, sed etiam ambire
quodammodo vilis est, dum ejus nutu Antistitis Hebræi Fascia talem
auro cælatam præferret Epigraphen, SANCTUM DOMINO. Nempe
cum immortale caput cingere non posset, cingeret moriturum, sed
quod Dei vice fungeretur; Quanquam ipsum etiam Numen æternum
cum eadem Fascia Alexandro Magno Hierosolimam petenti apparere
non est dedignatum, ut autor est Josephus. Nec invidet id seu hono-
ris, seu felicitatis Hebræo Diademati Tuum ANADEMA Antistes
Magne, quod divinæ propemodum Tuae virtutes in Te & Tecum ita
consecrarunt, ut Sanctum Domino prorsus censeatur; cumque Dei lo-

H

cum &

cum & teneas felicissimè, & tucaris diligentissimè, non nimium **TIBI** dabimus si **Fasciam Tuam** Fasciam Dei dixerimus. Ne verò sine Duce ad tam sublimia pervenisse videremur, Cornelii à Lapide verba superius recitavimus.

Nequè verò ab honore dissentit Illustris **Fasciæ Tvx** candor licet enim purpuram Honori multarum gentium consensus accommodet, pleriquè tamen populi summam honoris majestatem incandore venerati sunt: Persæ, Parthi, Ægyptii Medi, &c. sed instar omnium est, quod **M. Tullius** 2. de legibus, albo colori tribuit: Color, inquit, albus præcipuè decorus Deo est, cum in cæteris, tum maximè in textili. Eamquè magni Oratoris sententiam, nationum omnium consensu vir Doctissimus **Stephanus Vinandius** confirmat. Confirmat & commendat nivei candoris dignitatem veritas æterna **DEUS HOMO**, qui cœlestiū honorum imaginem tribus amicis repræsentaturus, vultu quidem solis æmulo, restitu verò niveo effulsit: cumquè & profligatâ morte victor in vitam rediret, & triumphaturus cœlos ascenderet, triumphi comites Angelos habere noluit, nisi candidatos. Tanti apud summum universi opificem color albus est, ut nè cœlum quidem tantâ siderum pulchritudine, numero, varietate, contentum esse voluerit, nisi candidâ Fasciâ effulgeret. Quid enim lacteus ille circulus, quem *ταλαεῖον* apud **Macrobiū** Græci vocant, quid ille aliud est, quàm (ut peritissimi Mathematici teste **Cres** folio ajunt) purpureo in cœlo candida Fascia ac diadema, quàm minutis, tam densis refertum sideribus, quod augustissimum æternæ beatitudinis templum summâ cum dignitate coronet.

Plura de Fasciæ dignitate afferri certè possunt; at majora non possunt, proinde quæ deinde afferentur & pauciora erunt & minora, libanda tamen, quia Fasciæ opportuna. Primum esto. Si quis fortè pro purpuræ dignitate magnopere propugnet, non admodum reluctamur, adeoq; ultro signorum Tuorum purpurâ explicamus, sed substratam Fasciæ magno utique jure, nam purpureus color Regibus decorus, Deo candidus dedicatus; mirumque stemmata **Tva** continent mysterium. Indicant enim cœlo **Te**, rebusquè divinis quas candor ostendit, ita traditum esse, ut nè purpurâ quidem regnumq; nisi infra hæc admissurus aut probaturus esse videâre. Licet autè ipse candor omnem ornamentorū apparatus superet, non tamen omnem respuit, nam & in auro argenteæ quandoquè eleganter ludunt murænulæ, idcirco in hoc honoris **Tvi** Diadema sidera, lunam, solem antiquitatis auctoritate transferimus. Nimirum si orientalium Regum anademata stellas, latinorum Radios duodecim, Ægyptiorum Aspides præferebant; minimè indignè facturi videmur, si candori honorato honorum insignia tribuamus. Ornet igitur Diadematis **Tvi** frontem aureum illud ac venerabile petalum

talum (quod vocant) cui veteris Pontificii exemplo inscriptum sit
SANCTUM DOMINO. Eos enim Tv honores admittere soles, qui &
sancti sint, & soli Deo militent. Illustret dextrum tempus solis effigies,
quam eruditus Vinandius in Hercule Prodicio Honoris Carolini coro-
næ inserit eò quòd claros, inquit, & illustres homines reddit honoris fa-
vor. Dicemus nos solem TIBI deberi, eò quòd Posnania, tot calamita-
tum publicarum tenebris obrutæ, lucem tandem videris restituisse.
Fulgeat altrinsecus luna crescens, dum totum impleat orbem præclara
crescentium honorum imago, quæ tamen non à sole sed à Te lumen
mutuetur. Nimirum crescendi vim à lunâ viventibus impertiri, ab Æ-
gyptiis sapientibus creditum est, & Saloninæ Augustæ fecunditatem
luna caput ambiente expressam, nummi ejusdem testantur. Sit hoc
voti nostri, sit meriti Tvi argumentum: optamus enim æterna honorû
TVORVM incrementa. Licet autem patria non habeat, quo Tv semper
crescas, Tv tamen mereris, ut nullum honores Tvi crescendi finem in-
veniant. Eant Arcades & lunam nigræ subtexant alutæ, quorum sidea
in astragalis geri consueta sunt; Diademati verò Tvo luna impressa,
non secus capite Tvo digna est quàm cælo. Reliquum Fasciæ solum
stellæ ignesque minores occupent, ut cælestis illius Tæniæ lactei-
que orbis splendorem æmuletur. Quamvis enim non nisi posita mortalita-
te, stellarum more pios effulsuros sanctus Vates prædicit, TIBI tamen,
etiam dum cælum expectas, astra debentur, qui jam immortalitatem
merueris virtutibus; quarum flores, lilia sunt; fructus, sidera. Quod si
veterum opinione illustrium piorumque hominum animæ in stellas
demigrabunt, quod de Julio Cæsare Augustus jactare non dubitavit,
quantò meliori jure venerandus vertex Tv vs stellas deposcit, cui ido-
neum coronamentum tellus prognerare non potest.

Sed claudenda Fascia est, quam nodo Herculeo innectimus ac
consignamus. Cæterum Herculis eum aimus fuisse, quo scepro circum-
voluti angues caduceum efficiebant, ut eruditi tradunt. Serviunt hæc
honori Tvo Antistes magne, & pro anguibus sarmaticum sceptrum.
Tva cingat tænia, quæ fidelius multò feliciusque Herculeum conserva-
re potest nodum, quàm superstitiosa illa veterum serpentû volumina:
ut potè cujus sapientiæ non minus acceptum ferat Polonia, quàm Her-
culis lacertis rudis illa vetustas se professa fuerit debuisse. Denique mi-
nimè erraverit qui Te Illustrissimæ familiæ Tvæ, hoc est, Fasciæ Tvæ
gemma basilicam ac verè regiam dixerit, quanquam TIBI fortasse gra-
tius est Regiam Coronæ Polonicæ gemmam Serenissimum Regem no-
strum ita TIBI inhærere, ut ornare Te nunquam intermittat; ita
fidere, ut nusquam latius conquiescere posse videatur.

INFVLAE POSNANIEN-
SIS CVM NOWODWORSIANA FAS-
CIA CONIUNCTÆ GRATVLATIO.

*Nll opis externa virtus, nil indiga laudis,
Divitiis animosa suis, immotaque cunctis
Casibus, ex alta mortalia despicit arce.
Attamen in vitam blandè vestigat, & ultro
Ambit honor.*

HÆc de Romano quidem Consule dicta olim à Claudiano sunt
Antistes Illustris. at equidem magna nostrum omnium volu-
ptate, insigni Ecclesiæ Posnaniensis emolumento, præclara sena-
toriæ amplitudinis accessione, in **Te** ipsâ cadere planè ani-
madvertimus. Nam Theodori quidem, cui Poëta ille canit, eane virtus
fuerit, quam honor ambivit, dubitari forsitan possit. Id enim & unicus,
& Poëta testatur, at honores certè **Tu** ita virtutibus ancillantur ac sub-
serviunt, vix ut optare tantum sollicita multorū possit ambitio, quan-
tum in **Te** virtus vel jam contulerit, vel speretur collatura. Atque inde
est, ut quo **Te** cunque tuleris, pedisequa **Te** dignitas nunquam deserat,
eodemque **Te** gradu minimè consenescere patiatur. Lætata quondam
Podolia est, dum & virtutum **Tvarum** luce coruscaret, & paternæ pla-
nè providentiæ studiis conservaretur. At quia meritorum **Tuorum** in-
gens admodum factum erat incrementum, non tulit honor vel diu se
Tibi deberi, vel tanta luce, ampliore luce privari. Latere non potuit
lumen **Tvum** Antistes Magne Camenecensibus etiam clausum rupi-
bus, tamque prolixis stratum intervallis. Reperit **Te** dignitas vel in ex-
tremis Podoliæ finibus, seque **Tibi** nihilo segnius ingessit, quam ab
aliis quæreretur. Cessisti verò honori importuno, non quia opulentior,
non quia summo propinquior, sed quia ut laboris facundior, ita exer-
cendæ virtuti accommodatior. Ita nempe delatos **Tu** honores admit-
tere soles, ut in eis laborem, quem non nisi **Tvum**, utilitatis verò non
nisi publicæ materiam & spectes & deponcas. Ita fit, ut cum plerisque
Pontificius splendor abundet invitamentis, tum verò nihil habeat, quo
Tuos flectat oculos, nisi insignem vel Reipublicæ dignitatem, vel be-
ne de omnibus merendi opportunitatem. Hæc sunt profectò illicia,
quibus **Te** Premisliensis ad se Infula pertraxit; quanto suo commodo,
tanto Podoliæ dolore: quamquam non **Tuo** illa quidem honore indo-
luit, sed sua fortuna; molestèque tulit, eo censeret se numero, ut diu-
tius **Te** habere non posset, verum quoquo tulerit animo Podolia **Te** si-
bi ereptum, nobis profectò & omnibus, qui invidere honoratæ virtuti
nesciunt,

nesciunt, non minus voluptatis, quàm Premisliæ utilitatis Tvs ille a-
 scensus pepererat. Porro cum eadem nunc fortuna Præmisliam, quæ
 paulo ante Camenecum exceperit, ambigi certè nequaquam debet,
 quin iisdem suspiriis Te abeuntem prosequatur, quibus Te à se Came-
 necensis amiserat Ecclesia. Itaque nè excelsior illa quidem sedes diu
 Te frui potuit, eripuit illi Te novus honor, qui nemini vel dignius ser-
 vivit, vel iustius cessit, quàm Tibi eripuerunt Te merita Tua, quæ à
 nemine fidelius in Rempublicam promanârunt, quàm à Te: eripuit
 Te denique virtus Tva quæ nusquam vel firmitus vel elegantius vide-
 tur fixisse domicilium quàm in Te, cujus animo candidissimo multo
 conjunctior semper fuit sanctimonia, quàm ipse animus corpori, ut
 vel eo solo nomine amplissimis honoribus diu carere non posse videar-
 re. Vercor quidem Præsul optime, nè quis fortè detractum de se id su-
 spicetur, unde laudes Tvas conteximus, dum nec honore tvo dignio-
 rem, nec patriæ studiosiorem, nec virtuti conjunctiorem quenquam
 afferamus. At convitia Tv revera fieri tibi meritò judicares, si quam a-
 lienæ laudis lucernam amplissimis tvis laudibus attexeremus: Verùm
 nequaquam Comparatio illa cujusquam famæ invidet, sed tvam illu-
 strat; neq; impudenter sibi quisquam placere debet, ut honores tvos
 sibi potius deberi arbitretur, quàm tui, cujus cùm antiquissimæ nobi-
 litati, tum verò spectatissimæ red diti sunt virtuti. Ac fuerunt alii tan-
 to munere sanè digni, fuerunt oneri tanto non impares; verùm ut in-
 Deorum epulas aureum illud malum Dearum pulcherrimæ dandum
 fuerat, ita Posnaniensis Infula cessit dignissimo. O diem beatum, quo
 te fracta tot malis Posnania, quasi cœlitus lapsum naçta est Antistitem!
 O lucem auspicatam, quâ desideratissimum tvi lumen communis
 doloris tenebras deterisit! Itaque meritò Vniversus sacer juxta ac eque-
 ster ordo, ad te quasi ad propitium quoddam sidus, tantâ alacritate
 effunditur: cui magna lætitiæ pars deflueret, si te subduxisses: meritò
 circa te quasi circa principem suum apes lætabunda gestientis populi
 examina glomerantur, quæ languerent etiamnum, nisi te dedisses: me-
 ritò denique Posnania suis quodammodo sedibus excita ad comple-
 tendum patronum parentemquæ optimum procedit, cui cum Cuja-
 viensis felicitas Lubiennium inviderit, orbitatis forsitan ac viduitatis
 suæ fortunam deploraret, nisi abitum Optimi Præsulis, Præsul opti-
 mus compensares. Ac in publicâ quidem hac lætitiâ, alii te Senatorem
 sapientissimum deprædicant, quidam Sacerdotem magnum canendo
 admirantur, nonnulli defensorem fidei exclamant, Pontificem alii sa-
 cro sanctum venerantur; Posnania, ut dixi, Pastorem te providentissi-
 mum consalutat, ac in optatissimo tvo sinu ægrum caput reclinare de-
 poscit. Neque absunt à publica lætitiâ Musæ, quæ nihil minus aut esse

possunt, aut audire volunt, quàm inhumanæ: quæ nisi humanæ essent, musæ profectò non essent. Patrem TE optatissimum, ut experiuntur feliciter, ita salutant alacriter: nec patiuntur in tam festo gratulantium, vel plausu, vel concentu, suam quoque vocem desiderari. Et quemadmodum illustre gentis TVÆ decus impensè suspexerunt virtutes quoque TVAS veneratæ sunt; ita honorem TIBI TVVM quàm possunt ex animo gratulantur. Tamen si cum vitæ meritorumque TVORVM commendatio, tum TVA ipsius amplitudo, non sanè promptum nobis id gratulandi officium reddere videtur, quin hæere necesse sit, cui nam potissimum, aut quid nam gratulemur: senatui nè quem tam sublime proventus, ampliori deinceps luce impertiris? an verò Posnaniæ, quæ felici TVA præsentia in spem erecta respirasse quodammodo sibi esse videtur? An certè cultui divino dedicatis ædibus, quæ magnam partem, vel sacerdotibus defectæ, vel temporum injuriâ ruinam spectantes, TVAM implorant & expectant opem? An nobis denique ipsis quorum tu ingenuam institutionem, quam ardentè amplexus sis amplissimo patrimonio TVO, quo Collegium Soc: JESV excitasti atque dotasti, cœlo ac terrâ luculenter consignasti? Etenim tot rivis ex uberrimo dignitatis TVÆ fonte, alienæ manant utilitates, quæ si spectarentur, aliis potius TVA dignitas gratulanda foret, quàm TIBI qui cum de TVA dignitate honorem Deo, commoda patriæ assignaveris, TIBI nisi laborem reservare non soles. Age verò quanta prædicatione familiæ tuæ celebranda esset felicitas, quæ in eam à TE plenissimo alveo profluxit. Nihil hic de iis dico, qui magno Reipublicæ ornamento vivunt & florent, qui quidem tamen si suâ amplitudine magni sunt & erant magni, at excellentia TVA & sunt, & erunt pares maximis. Clarissimis certè Maioribus TVIS, quos communis quidem lex mortalitatis in alterius vitæ coloniam, eamque, ut gesta eorum sperare jubent, felicissimam deduxit Maioribus inquam TVIS honori permagno est honor TVVS ut vel fato functi gloriari meritò possint, suum sibi splendorem, quem in TE abundè contulerunt, tanto fænore redhiberi. Itaque vivunt illi quidem, tum gestorū suorum excellentiâ, tum annalium monumentis; at per TE immortalitatem quandam videntur jam consecuti. Verum enim verò certum deliberatumque est Antistes Magne, hodiernâ die gratulari TIBI, bona precari, qui eorum bonorum, quæ in senatum quæ in civitatem hanc, quæ in sacra sacrorumque administratos, quæ in Societatem JESV, in literas, denique in illustrissimum genus TVVM vel proveniunt, vel hodie ex TE profecta sunt, vel in posterum profectura sperantur TV secundum Deum auctor & quædam origo extitisti. Atenim in tantâ rerum bonorumque copiâ quibus TVA hæc dignitas abundat, non levis oboritur dubitatio, quidnam potissimum TIBI gratulemur?


nec

nec desit fortasse, qui ampliore redituum opumque accessione, felicem te vel stultè judicet, aut falsò appellet. Ea verò bona, ne hominis quidem esse ne dicam sacerdotis tu ipse factis magis quàm verbis semper confirmasti, idque præclare vità Tva, quod Seneca linguâ suâ, docuisti, omnem opum congeriem dignam non esse, quæ frontem boni viri contrahat, addo ego è Tva sententiâ, indignam esse, quæ cujusquam frontem explicet; atque ita semper, animo fuisse constitutus, ut cum amplas opes vel hæres possideres, vel Præsul haberes, ne momento quidem Te habuerit possederitue pecunia. Quocirca fortunatum Te qui volet dixerit ob ea bona, quibus etiam non boni abundare queunt; nos alia in Te spectamus. Fuerit verò non nemo, qui egregiam de propinquis benemerendi facultatem obtigisse tibi existimet, verum nec ea Tuorum conditio est, ut ope tua emergere postulent, quos & insignis nobilitas, & præclara virtus satis reddidit reddetque conspicuos; nec eo te studium tuorum unquam detorsit, ut eos ferri potius, quàm ascendere optares: satis te sanguini indulgisse ratus, si præluceres, satis si duceres, quæ quidem virtus nostra præsentī ætate facilius omnino laudatur quam servatur, multosque habet admiratores, at sectatores non item. Non desunt tamen in Polonia, quibus majore in precio sit quàm consanguinitas, inter quos quem tu locum obtineas, quis est obsecro qui non videat? sed reperitur opinor non nemo, qui locum in senatu ampliozem adeoque Principi propinquum accepisse te gaudeat, præcipuumque hoc laborum ac meritorum Tvorum ex voti Tui sententiâ munus cedere tibi exoptet.


Magnum id quidem est, atque ejusmodi, quod non pauci, non vigiliis modo aut sudore, sed periculis, sanguine, vitâ nequicquam redimere satagunt; at dicam liberè, infra tuum animum id quoque bonum est, addo, etiam infra meritum. Absit enim ut id virtutum tuarum præmium esse quisquam existimet. Parvo equidem tua merita venirent, si ea rependere mortalitas posset. Æternitas beata est, æternaque beatitudo, quæ tibi satis præmiorum referre posse videatur. Ea verò dignitas, quæ te consecuta est, pignus quoddam est, quo patria, non tam dissolvere quod debuit, quàm profiteri quid debeat, videtur, & sapientissimus ac æquissimus ut personarum, ita meritorum judex Serenissimus Rex noster, cum ad eum te gradum invitavit, docere magis voluit meruisse te, quàm tuis meritis respondere. Quod si tu splendoris tui conscius, splendorē extra te minimè quæris, nec eum nos in terrâ consecrabimur. Sed primum quidem, rem omnibus thesauris opibusque preciosiorem, omni vetustæ nobilitatis commendatione gratiosiores, denique omni honorum fastigio excelsiorem, hoc est te ipsum tibi, quàm amanter, tam reverenter gratulamur; lætaturque talem ac tantum non solum esse, verum etiam haberi, cui quantivis impensī honores, non in mercedem, at in testificationem cedant meritorum: lætamur eum esse te, qui non à loco lucem mutare, sed locum quamlibet illustrem non mediocriter illuminare & possis & soleas; lætatur insuper tot annos Pontificii muneris tui tam præclare sancteque à te de i beneficio exactos esse, ut in istis honorum tuorum exordiis dignissimus viderere, quem Posnania saluaret Antistitem: quod

quod quia non antea factum est, quod tam pridem factum oportuit, per Te virtutemque stetit: contentus enim inveniisse, qui tandem aut quando merito responderetur, minimè laborasti. At nè vel parum æqui in Posnaniam esse, vel de honore Tuo, non pro eo ac par sit sentire videamur, si nihil prorsus TIBI à tertiam hac Insulam dixerimus accessisse. Accessit sanè illudque est, quod & nos, & Tu ipse TIBI jure optimo gratificare, Amplissimus videlicet laudis gloriæque campus, in quo pro egregia animi Tui magnitudine Ecclesiæ, Reipub. bonis denique omnibus, commodius forsitan & gloriosius, quam ante hac, operam Tuam navare possis. Spectaculum factus es Antistes Illustrissime, quod mortales juxta ac immortales oculos mereatur: idque non hodie primum, quamvis hodierno demum die in novum idque magnificentissimum theatrum æterna Te providentia produxit, in quo sapientissimi Senatoris, Magni sacerdotis, Pontificis sancti vivum exemplar imaginemque absolutissimam morituris & nascituris exhibeas. Multa hic fateor agenda, ferenda multa, Te manent, quæ nescio an aliam quemvis meritò absterrent: at quia T V D E O virtuteque fretus, ea deposcere ultro consuevisti, quæ minores Te animi reformidare jure possint, idcirco & nos vehementer gaudemus, has onerum moles Tuis humeris tam prosperè incubuisse. Occurrunt TIBI palantes plebis destitutæ greges, pastorem optabunt, pastorem eris. Supplicabunt tot miseræ pupillorum orborumque turbæ, Patrem quarent, patereris. Venient potentiorum injuriis exagitati cives, defendi volent, patronus eris. Emerget, (quod quidem absit, sed inter homines vivitur) aliquod humana improbitate nefas, quod oculos animosque T V O R V M lædat, succurrendum erit, medicus eris. Tentabit scrutabiturque ovile T V V M hæresis, juratus æternusque gregis CHRISTI hostis, excubandum erit, vigilabis. En præsens adest tot funebribus exhausta, tot calamitatibus attrita Posnania, & erudas adhuc cicatrices hiantesque plagas benignitatis tuæ Fasciâ flagitat alligare; erige prostratam, medere languenti. Ipsa sedes TVA Basilica, quid postulet vides, Et ne omnia recensam, tam multa TIBI, tam gravia, tam diversa in hoc theatro agenda sunt, ut plurimum vires manusque opus esse videantur. Porro de eventu spes sunt, quales afferre DEUS & virtus potest. His enim, ut dixi, ducibus, ita hæc omnia profligabis, ut celeberrimum cœlo plausum terræque mereare. Nos interea, universusque literis sacer cœtus T V I S pedibus ad voluti, non nostram tantum lætitiæ Honori Tvo dedicamus, non verba observantiæ nostræ prægravi amplitudini T V Æ deferimus; sed animos nostros mancipio nexuque Tvos esse volumus, jubemus; atque hujus voluntatis nostræ illos itidem ipsos animos nostros & interpretes & obfides fieri præcupimus: denique æterno supremoq; & auctori & remuneratori virtutum supplices sumus, ut præsentis propitioque semper numine magnæ mentis T V Æ magna consilia ita secundet, susceptaque negotia ita provehat, ut universa patria, non tam miretur tertiam Insulam tibi delatam esse, quàm hucusque fuisse dilatam; perspiciantque æqui ac iniqui, non honorem TIBI sed Te honori fuisse ornamento. Faciat, faciat tandem maiestas illa, è quâ & vitæ diuturnitas & honoris claritas promanat, ut Ecclesiæ, Patriæ, Musisque floreas, nec prius ad emeritos immortalitatis fructus evoceris, quàm velis; nec velis, ante quam Posnaniæ Ecclesiam, Patriam optatæ incolumitati, Musas decori florique pristino, pietate, labore, industriâ TVA restitutas esse possis gloriarì. Finem dictioni fecissem nisi quod Honori Tvo Fasciæq; T V Æ hic quoq; admodulari volunt, Urbique Posnaniensi a Tuâ Fasciâ ominando, benè comprecari.


CONSANESCET.



Eu dolor: ingenti divulsus vulnere vertex
Immane, ablutio raptus ut agger, biat.
Sanguinis eluvies rapido ruit impete, vasto
Cum cerebro torquens ossa resecta vado.
Iamq; labat Posnense caput: qua claudere plagam
Quam dedit Angelicus mucro, medela potest?
Siste gradum fugiens vel in ipso vulnere vita,
En medicinales porrigit athra manus.
Dum ligat afflictam peccati Fascia mentem,
Corporeum vitæ spes bona vulnus habet,




PELLENT HAEC SVDARIA MORBOS.




DE sine jam tandem depascere febribus artus
 Funere sexcento non satiata lues;
 Extrahere lymphatum cerebro frendente dolorem,
 Pestiferas toto corpore tolle faces;
 Sicut ibi nil medicis Podalirius obsuit herbis;
 Abstulit haud vires tota medela tuas.
 Tæniola Cephalea omnis virtute domatur
 Quam ligat ad capitis vulnera Diva manus
 Qui ligat est PETRVS; ipsa ligans est illita Christo
 Tænia: dum ligat hac, nulla timenda lues.




NE FORTE RECLVDAT IMPIETAS.



HÆc, qua saxifico stat porta horrenda tridente,
 Transversaquæ gerit clavis in ore crucem;
 Fida urbis Domino cor inexpugnabile signat,
 Quod nullis Aquilam misit in arma minis,
 Si divina fides humana juncta fuisset,
 Nulla urbs in Lechico sanctior orbe foret.
 Sed neuter clausa succedit Apostolus urbi,
 Cum neutri portam pandere clave datur:
 Fascia Petre tui claves Antistitis ambit;
 Hanc fer, & Hæreticis ostia claudes dolis;




DIGNA ISTIS HAEC CARBASA VENTIS.




Plendida Prasuleo vittata Liburnica velo,
 Perge Charybdaas nil metuendo minas.
 Non scyllaea tibi latrans seno Hæresis ore,
 Non livoris atrox asperet horror iter.
 Suppara Posnensis cingunt fastigia mali,
 Augusta PETRI suppara digna rate.
 Angelus hæc pandit: Divinum Pneuma propellit.
 Ipse gubernandi Dux Bariona regit.
 Cum sis auspiciis tot constabilita: quid obstat,
 Quo minus aethereo suscipiære sinus?




COELESTES SIC ITVR AD IGNES.




Cernis, ut igni domas stet victima mitis ad aras!
Quæ mansueta suum non stetit ante jugum.
At tamen in nullo bos conflagrauit aratro:
Hic videt appositum torret ut ara bovem.
Demulsere ferum retinacula mollia collum,
Mollior iligno byssina vitæ iugo.
Divinos facile Clementia ducet in ignes;
Quos non ad proprium compulit ira jugum.
Funiculis ducantur Adæ, ducantur amore,
Quæ sunt divino corda cremanda rogo.



RVINA HAEC SVB MANV TVA. Isaia 3.



Non satis Aligeri citò vitta vela tulistis,
Cum pars magna sacra concidit igne domus.
O si divino licuisset adesse favore,
Turres, & Cypria quàmeccidere flega.
Sed benè: quandoquidem tandem almâ sorte venitis,
Gaudeat hoc vestro tegmine sacra domus.
Æthereos ignes, lapidum ferriquē procellas
Turbineosquē potest temnere tuta Notos.
Quod Catina relictis Agatheus praeſtat amictus,
Hoc confert ad opem Fascia, Poſna, tuam.



FASCICVLVM SVVM FVNDAVIT SVPER
TERRAM Amos 9.




Quid video? nova quæ messis? novus unde manipulus!
Dicite quo seges hac aurea crevit agro?
Regia Prasuleis diademata mista tiaris,
Vincta quæ Pontificum Regia sceptræ pedis
Hic religata rigent; vexilla quæ, trunca quæ palmis
Arma triumphantis digna trophæa viri,
Hic habet illustri illustris de messe manipulus.
Miror ego messem, parcite, miror agrum!
Crevit sarmaticis dices, hac gloria campis:
Nil dubito, hic pandi signa Polona videns,
Semina sarmaticis qui talia sevit in arvis,
Hos etiam certus Mars mihi dicit, **AVI.**
Credo equidem claros tritavos, atavos, abavos quæ
Tam sevisse decus, quàm quæ rigasse decus.
Hæreo sed dubius, quæ sit tam dives honoris
Inter sarmatidos gens generosa domos!
At quia Fasciculum video, quem Fascia vincit;
Aio, Novodvori sunt decora alta domus.
Horrea Fasciculo sed quæ debentur? Honoris
Sit Templum modo, sit postea at ipse polus.




QVæ de Clarissimæ Gentis Tuæ FASCIA quâ NO-
BILITATIS, quâ VIRTUTIS, quâ HONORIS ce-
cinit Apollo noster TVÆ GLORIÆ, Illustriss. ANTI-
STES, hæc olim vidit, videtquæ POLONIA, & nunc
gratisimâ recordatione fovet, & deinceps perpetuis
temporibus celebrabit vetustas. Conatum nostrum
non ingratum futurum TVA nobis pollicetur hu-
manitas. Nimirum TVA TIBI dedimus: TVAE TI-
BI Gentis decora non placere non possunt Sis sospes
PRÆSVL Ampliss. & nostram infantiam boni con-
sulé.

FRANCISCUS CASIMIRUS SANDI-
VOGIUS à Czarnkow Capitaneus
Medirecensis.









GLORIA
RIÆ NOWOD
FASCIA TRIP
diosà Collegy. Pos
tute, è NOBILITA
liberali Minerua l
AC
SSIMO et REVEREN
NOWODWOR NOW
OSNANIENSEM
reuerenter oblat
PER
Magnificum Dominum
M Sandiugium A
OWSKI Capitaneum
Collegy Stud
mo ab orbe restituto
HON

